

# نخبه الحقیقه فی احکام الایمان

الجلد الاول

مؤلفی

ضبطیه نظارتی اداره قومیسونی قلمی خلفاسندن  
طرسوسلی جودی زاده  
توفیق

معارف نظارت جلیله سنک رخصتیه طبع اولنمشدر

درسعادت

(محمود بک) مطبعه سی — باب عالی جوارنده ابوالسعود

جاده سنده نومرو ۷۲

۱۳۰۲



SÜLEYMANİYE G. KÜTÜPHANESİ
Kısmı . Tekkeler
Yeni Kayıt No.
Eski Kayıt No.
Tasnif No.

نَحْبُذِلُ الْحَقِيقَةَ فِي الْخَبَائِلِ الْأَلْبَنِيَّةِ

الجلد الاول

مؤلفی

ضبطیه نظارتی اداره قومیسونی قلمی خلفاسندن  
طرسوسلی جودی زاده  
توفیق

معارف نظارت جلیله سنک رخصتیه طبع اولمشدر

درسعادت

( محمود بك ) مطبعه سی — باب عالی جوارنده ابو السعود جاده سنده نومرو ۷۲

۱۳۰۲

SÜLEYMANİYE G. KÜTÜPHANESİ
Kısmı . Tekkeler-Hasıp Ef.
Yer I
Eski . . . . . 281
Tasnif No.



همان عهدۀ که ترانه مه ترتب ایدن تهنیت و تبریکی ادا ودها  
 نیجه نیجه مآثر مبروره موفقیتله اسلافه خیر الخاف  
 واخلافه نعم السلف اولملرینی جناب حقندن استدعا ایدرم  
 لله در المؤلف - تقدیرنده - اجرک علی الله کأس کریمندن  
 نصیب عظیم وجهله عندنده احترام و تعظیمه مظهر  
 اوله جقلرنده شبه اولنمز جناب فیاض مطلق عنایات  
 فیوضات بخشای صمدانیه سیله جمله مزی کمالات علمیه  
 و کمالات عملیه یه لایق و نائلیته مسعود و مسرور بیورسون

— o o o —

اليوم حکاری ولایتی مکتوبجیسی اولوب حقیقت فضائل  
 انسانیه ايله قائم اولان وهله فن جلیل کتابتده خواجه بی  
 مثال و محترم القابنه بحق لایق و سزاوار بولنان عزتلو  
 طلعت بك افندی حضرت تاهینك اشبو | نخبة الحقيقة  
 فی ایجابات الانسانیه | نام اثر عاجزانه می حین تیضده  
 برقچ کون مطالعه مقصودیه نزد والاسنده براقه رق  
 کتاب مذکورک بر طرفه خط خجسته نسط سامیلریله  
 تسطیر بیوردقلری تقریض بلیغدر

... .. ی

اشبو کزیده اثر مدونات سائرده زیور و مندرجات  
 شریفه سی طریق رشد و هدایه رهبر اوله رق فضیلت  
 ذاتیه و مزیت انسانیۀ علیه لرینی تشریح ایلدیکنندن تقدیرات  
 عاجزی یه میدان و علی الخصوص قولکزجه مرتبه علم  
 و عرفان سامیلرینک تعیینه حد و امکان کوره مدم بوجهتله





اجزای کلام تمام و مبنای بیت مرام پایدار معرض دوام  
اولیه جفنه و اسباب اشتہار لاجرم محزوف قالہ جفنه  
نظراً خواجہٗ بعث و نشر اولان اول شفیع الوریہ و صدر  
دیوان حشر اولان اول امام الہدایہ صلوٰۃ وافیہ و سلام  
کافیہ عرض ایلرم و مدیحہٗ آل و ستایش اصحاب فرخ  
فال ایلہ رسالہٗ ادب مظهر یمن اولمق حکم حکمت  
مقتضیاتندن بولندیغی جہتلہ چار یارکزین و مرتبان  
مجموعہٗ دین و مقیدان اثار یقین حضراتی ارواحنہ  
دخی تحیات کثیرہ اہدا ایلہ {السلطان ظل الرحمن فی الارض}  
مدیحہ سیلہ کتابہ طاق منقبتلری معلا اولمش و {اطیعوا اللہ  
و اطیعوا الرسول واولی الامر منکم} امر حکمت رہینیلہ  
دخی ذاتلری معنون بیورلمش اولان خلیفہٗ خلیفہٗ فی الارض  
پادشاہ معدلت نکاہ و شہنشاہ کرامت اکثناء {السلطان  
ابن السلطان السلطان الغازی عبدالحمید خان} حضر تلری  
نامنہ یاربی بو ظل رحمانیکی مضمونی موافق شریعت  
و مفہومی مطابق مؤدای قانون عدالت اولان ہر تدبیرندہ

## مُقَدِّمَةٌ

نام نامی حق و اسم سامی منعم مطلق شاہ بیت اثار  
اولنجہ آنک پذیرفتہٗ حسن اختتام و مظهر قبول انام  
اولہ جفندہ اشتباہ کوتورر جہت اولمدیغندن و {بسم اللہ  
الرحمن الرحیم} سر صحیفہٗ گفتار ایدیلنجہ عیار تقدینہٗ  
معانی عبارات کامل کورنمک و صحیفہٗ سیکہٗ مفہیم  
ایادی صرافان کمالہ نقش سکہٗ تحسین ایلہ کزنمک علت  
ارتیابدن وارستہ بولندیغندن مقصدی افادہ یہ باشلامزدن  
اول جناب حی دائمک اسم جلالانی ذکر ایدر و مبدأ  
نضیدہٗ عالم و براعہٗ نشیدہٗ خلقت آدم {صلی اللہ علیہ وسلم}  
افندمن حضر تلرینہ درر صلوٰۃ و غرر تحیات اہدا اولند قجہ



توفیقات سبحانیہ کہ مظهر و ہر امر نندہ خضر مدد عنایتکے  
برابر ایدرک فرمان فرمای اقالیم مسکونہ ایلہ و دیدہ  
امیدنی غبار کدرلہ مظلوم و مغلوب ایلہ دیکلہ مفتخر  
اولورم .

نیت المؤمن خیر من عملہ مصداق والانسان مرکب  
من السهو والنسیان مدلولانجہ افادات آتیہدہ بعض نقصان  
و خطیأتم اولور ایلہ انکدہ حسن نیتلیمہ باغشلنہرق  
بوعبد درینہ و بندہ کمینہ نک اخوان دین عندندہ شو عملدن  
طولای خیرلہ یاد بیورلمسنی استرحام ایلرم و مقالات  
آتیہنی کتب ابواللیث و معالم التنزیل و مدارک وقاضی  
وابوالسعود و تفسیر کبیر و قاشانی و کشف و مجمع البیان  
و تیسیر و کتب مسلم و بخاری و مصابیح و مشارق  
و ترغیب و ترہیب و جامع الصغیر و کتب فتوحات مکہ  
و فصوص الحکم و دیوان ابن فارض و عوارف المعارف  
و کتاب تعرف و اصطلاحات للشیخ عبدالرزاق القاشانی  
و اعجاز البیان للشیخ الکبیرہ و مواقف و شرح عقائد

و مشکوۃ الانوارہ و ہدایہ و صدر الشریعہ و صحاح  
و ابن اثیرہ و نمونہ قدرت الہیہ مستند اولہرق سویلرم  
و بمنہ الکریم توفیقات سبحانیہ بوعاجزہ رفاقت ایدر ایلہ  
شو اثر التی جلدن عبارت اولہجغنی تأمین ایدرم .

لله التوفیق وهو نعم الرفیق



ویغمبر لر و کتابلر ایله قوللرینی طریق حقّه دعوة ایلدی و انسان ایچون یاربی بیلیم صوابی ایشلر کناهدن قچار سکا عصیان و کفر ایتمزدیم دیه جک بر ققامق کوشه سی بر اقمادی و قرآن کریمنی شعرای عربک یکدیگره طریق بلاغتده مسابقت دعواسنه قیام ایله بیت اللهک دیوارینه شعردن لوحه لر تعلیق ایتکده بولندقلری بر زمانده انزال ایلدی و شعرای غاوون طرفلرندن او قدر چالیشلادیغی حالده او قرآن کریمه ابدی تنظیر قبول ایتدیرمدی . او یله اولنجیه بزه کتابمز هر شیئی تعلیم و تدریس ایدر .

ایشته آنی او قویه لم واحادیث نبویه نی کوزدن کچوردیم و مفسرین عظام و محدثین کرام افاده لری و جهله مزایا اکلایه لم و بچمیز انسانیتیه یعنی اسلامیتیه عائد اولدیغی ایچون مرتبه ابتدائیه ده آنی سویلیه لم و آیت کریمه دن ( ان الدین عند الله الاسلام ) فحوای جلیلنی واحادیث نبویه دن دخی ( بنی الاسلام علی خمس شهادت ان لا اله الا الله وان محمداً رسول الله و اقام الصلوة و ایتاء الزکوة و صوم رمضان و حج البيت من استطاع الیه سیلاً ) معنای منیفنی سند اتخاذایده لم ده سوزده کریشه لم .

بوندن دخی اکلادیکنزیا الله عظیم الشانک نزد الوهیتنده مقبول اولان دین دین اسلام اولوب دین اسلامک اصولی بشدر و او بش اصول اوچ اصوله مبتیدرکه آنک برنجیسی ایمان ایکنجیسی اخلاص اوچنجیسی نیتدر و بو اوچ اولمز ایسه اعمال بشریه صحیح اولمز و انسانم دیه طفره فروشلق ایدنلر انسان صایلمز و دین ایسه بر وضع الهیدرکه اصحاب عقولی اختیار محمودلریله

## ✽ نخبه الحقیقه فی ایجابات الانسانیة ✽

### ✽ بسم الله الرحمن الرحيم ✽

اخوان دین یعنی مسلمان قرداشلر امید ایدرم ایوجه بیلورسکزکه انسانیت ساده جه بورون قولاق و دیل و اغز و یوز و سائر اجزای بدنیه نک وجودیله دکل اولاهدایت و عقل معاده و انک دلالتیله دین و ایمانه و انک مقتضیاتندن اولمق اوزره اعمال مشروعه محتاجدر و شوراسنی دخی تصدیق ایدرسکزکه الله عظیم الشان ( قل هو الله احد الله الصمد لم یلد و لم یولد و لم یکن له کفواً احد ) سورة شریفه سنک حاوی اولدیغی معنا و جهله خالق مطلق و معبود بالحقدر و محضاً محبتدن بر محمد خلق ایدوب او محمد ایچون دخی ( لولاک لولاک لما خلقت الافلاک ) بیوردی و اجسام حیوانیه نی دخی مایه سی هر کسجه معلوم اولان شیدن تحصیل ایدن نطفه علقه مضغه عظام دن یتشدیره رک دنیا به چیقاردی و ایوی کوتوی فرق ایده جک و اکشی نی طاتلوی اکلایه جق و معطراتی شم و الحانی سمع ایده جک قدرت و یردی و ذات الوهیتنی و جنتنی بوله جق یوللری و جهنمه منتهی اوله جق طریققلری کوستردی



بالذات خیراته سوق ایلر و لذلك ( لیتفقوه فی الدین و لینذر و قومهم اذا رجعوا الیهم ) قول صمدانیسنه بالتبعیه حقیقه و وصول ایچون فقهه تمسک لازمکلور دیهلم و امام غزالی حضر تدرینک ( لقد کان اسم الفقه فی العصر الاول مطلقاً علی طریق الاخرت و معرفته دقایق افات النفوس و مفسدات الاعمال و استیلاء الخوف علی القلب و یدلک علی ذلک قوله تعالی الایة و مابه الانذار و التخویف هو هذا العلم و هذا الفقه دون تعریف اللعان و الطلاق و السلام و الاجارة و العتاق قول معتبری و جهله فقه عصر اولده طریق اخرتی و معرفتی و دقایق افات نفوس و اعمال و استیلاء خوئی بلدی ران علمه تسمیه اولندیغنی تذکیر ایله مشایخ عندنده دخی بوکا فقه اکبر و تعریف لعان و طلاق و سلام و اجاره و عتاق حقنده اولانه فقه اصغر تسمیه اولندیغنی و حتی امام اعظم و هام افخم ابو حنیفه حضر تدری دخی بو تعریفات اعتباریله بر صغیر الحجم اولان و صور مقدمه دائر بولنان کتابنه فقه اکبر دیه اسم اعطا بیورمش اولدقارینی عالمه عرض ایدلم.

شمدی کلهلم بحشه هانیا بزه بریسی مسلمانیمسک دیجه مسلمانم دیور ایدک یا اکلا دقئ مسلمانم دیه بیلیمک ایچون نهیه محتاج ایمشز اوت اکلا دق مسلمانم دیه بیلیمک ایچون اولاللهک بر لکنه شریکی نظیری اولدیغنه و حضرت محمد علیه الصلوة و السلام اقدمزک خاتم و خاتم الانبیاء یعنی بوصفتلرله حق پیغمبر اولدیغنه و نماز قلمق و زکوة و یرمک و اورج طوتمق و حج ایتیمک لزومنه دل ایله اقرار و قلب ایله دخی تصدیق ایتیمکه محتاج ایمشز و فقهه

تمسک لوازم دینیهدن ایمش بناء علیه باقهلم یوقروده تعداد ایتدیکمز کتابلر بزه نه سویله یور

ایشته کتابلر ( قال الله تعالی خطاباً للانسان و خلقناکم ازواجاً ) ای ذکوراً و اناثاً و من کل شیء خلقنا زوجین لعلکم تذکرون ای و من کل شیء خلقنا صنفین مثل الثقاین و الکونین و الدارین و الوالدین و الاشیاء المتضادین کالنور و الظلمة و الارض و السماء و البر و البحر لعلکم تذکرون ای لکی تعلمون الاذدواج من خواص الممكنات و الواجب بالذات لایقبل الاثنینیت و الزوجیه ( و کما قال الله تعالی سبحان الذی خلق الأزواج کلها مما تنبت الارض و من انفسهم و مما لایعلمون ) یعنی جناب خالق متعال قدم ثبوت احدیت صمدیت تنزه عن النقصان و التولد و التولیدی و شوایت کریمه مدلولانجه معبود بالحق و خالق مطلق صفاتی ذاته مخصوص بیورمشدرکه مخلوق کندوسنه بکرده مسون و ذات مطلق بو وجهله جاری اولان صنع الهیسی ایله دخی انظار عبادجه ثابت ایدوکنی و اطمنان فهم و استقرار علمه دینلیدیکنی و یقین اوچ نوع اوزره اولوب برینه علم الیقین دیکرینه عین الیقین او برینه دخی حق الیقین تسمیه اولندیغنی و ( علم الیقین ما کان من طریق النظر و الاستدلال ) و ( عین الیقین ما کان من طریق الكشف و النوال ) و ( حق الیقین ما کان تحقق فصال عن لوث الصصال ) ایدوکنی و حضرت محمد علیه اکمل الصلوة و التحیته افندمزده و حی حضرت عایشه دن مروی و ( ان الحارث ابن حشام سئل رسول الله علیه السلام فقال یارسول الله کیف یأتیک الوحي قال رسول الله احياناً یأتینی مثل



صلصلة الجرس وهو الشدة على فيقسم غنى وقد وغيت عنه ما قال  
واحياناً يمثل لي الملك رجلاً ( عباراتی شامل حدیث شریف  
موجبنه ذات رسالتنا هیلرینه وحی احياناً چاك صداسی وصفوان  
اوزره سلسله صوتی کبی کلوب بوصفت اوزره کلان وحی صفت  
اخر اوزره کلان وحیدن اشد واصعب ایدوکنی واول ملک ذات  
رسالتندن وحی قطع وذات رسالتی اندن وحی حفظ ایلدیکنی  
واحياناً اول ملک رجل صورتنده ذات محمدیسنه تمثل ایدوب  
صراحتہ سویلیدیکنی وذات محمدیلری دخی اول ملک سویلیدیکنی  
لفظاً ومعناً حفظ ایدوب بناءً علیه بو صورتده شدت وصعوبت  
اولدیغنی واجتهاد دخی لازم کلدیکنی فاما صورت اولی اوزره  
وارد اولان وحی اجتہاد اولنمق مقتضی بولندیغنی اظهار واعلام  
ایده یور.

شمی بو اعلامدن دخی اکلا دقکه پیک اکبر اولان حضرت  
جبرائیل عالم بالانک سرقافله سی عرش معلانک سالار رهی اسما  
ومسمانک مجموعہ سی صورت معنانک پیرایه دهی حرم کعبه علیانک  
نخلی حرمخانه اسرانک رهبردی یثرب و بطحانک چنی عروہ  
وثقانک ارام کھی الطاف وعطانک سرچشمہ سی شرفنامه لولانک  
طغراسی کنج حقیقتک لؤلؤ لالاسی اقالیم حقایقک سامانی  
زنار و چلیانک محازنی اولان فخر الانیا والاولیا حضرت محمد  
علیه الصلوٰۃ والسلامہ تبلیغہ مأمور اولدیغنی اوامر الہیہی بعضاً  
صریح وبعضاً دخی اجتہاده محتاج صورتیله کتورر ایمش اویله  
اولدیسہ قرآن کریم معجز و بناءً علی ذلک مجتہدین ومفسرین

لازم و سورة فاطر ده مندرج ( ثم اورثنا الكتاب الذين اصطفينا  
من عبادنا فمنهم ظالم لنفسه ومنهم مقتصد ) آیات کریمہ سی احکام  
جلیلنه نظر آ کتاب مستطابه عباد اللہدن درجہ اصطفایہ مظهریت  
شانلرندن اولنلر متوارث اولمش وظالم لنفسه ومقتصد لنفسه وار  
( ومنهم سابق بالخیرات ) وانلردن خیراتده سبق ایدنلر موجود  
بولنمشدر.

شوراسنی دخی سویلیهیمکه عندا عرفا جنت ایکی نوعدر برینه  
جنات آجله و دیگرینه جنات عاجله دیرلر جنات آجله آخرتده  
نتیجہ اعمال صالحه اولان جنتدر و جنات عاجله بو دنیاده اولان  
اذواق روحانی وعلوم و معارف ربانیدر نته کم شو احادیث شریفه  
دخی بو افادہیه بر حجت قاطع اولور.

( احادیث ) قال علیه السلام ارتعوا الى رياض الجنة قالو اوما رياض  
الجنة يا رسول الله قال عليه السلام مجالس العلم وقال ايضاً اكثروا  
غراس الجنة قالوا وما غراس الجنة يا رسول الله قال التهليل  
والتسبيح ايضاً اذا لقيتم شجرة من اشجار الجنة فاقعدوا في ظلها  
وكلوا من ثمارها قالوا كيف يمكن هذا في دار دنيا يا رسول الله قال  
عليه السلام اذا لقيتم صاحب العلم فكلما لقيتم شجرة من اشجار  
الجنة ( موجب عاليسنجه عامل اولوب معناً ومادۃ جتته دخول  
مراد ایدنلر بو طریقندن ذره قدر انحراف ایتماک لازمدر.

چونکه الله عظیم الشان قرآن کریمی حقنده ( یا ایها الناس قد جاءکم  
موعظة من ربکم وشفاء لما فی الصدور وهدی ورحمة للمؤمنین )  
بیورمشدر که قرآن کریمی وانک معنای فائز الاتقاسنه عائد اولان علوم



دینیہی جمہاء مؤمنینہ ایشہ اولو جہاہہ شفاء صدور و ہدایت و رحمتی موجب و نیل جنتی مستوجب و علمای دین عندندہ معلومدرکہ قرآن عظیم الشانی لوح محفوظدن استنساخ و کتابت ایدن ملائکہ کرامدر و آنلر حقارندہ ( بایدی سفرہ کرام بررہ ) بیورلمشدر وینہ انلر جہ معلومدرکہ سفرہ سافرک جمعی اولوب سافر کاتبہ دینلور نتہکم ( سفرت الکتاب سفرأ ) دیرلر ( کتبہ کتاباً ) معناسن و یرلر ( بررہ ) بارک جمعیدر محسن و نیکو کردار اوللرہ اطلاق اولنور ( بایدی ) دہ بانک متعاقی مقدردرکہ اول مکتوب و یاخود محفوظ دیمکدر و جار مع الجرور متعلق محذوفیہ مبتدای محذوفک خبری اولور .

تقدیر کلام قرآن عظیم الشانی ملائکہدن کاتب اوللر و نیکو کتبدہ بولنلر الاریلہ لوح محفوظدن استنساخ و کتابت ایتدیلر دیمک اولور ( ینعون ان یمسہ الا المطہرون بیورلمشدرکہ اول سفرہ و بررہ فسقہ و مجرمی منع ایدرلر والا اخلاق ردیہ و عقاید رزیلہدن پاک اوللر استئنا قلنور دیمکدر .

شمدی بوراسنی دخی تفہم واقع اولدی کہ ہایمان ہامون غفلت قرآن کریمہ مطلع اولزلر و خام ہوام طبیعت بوندن لذت المزلر واکرچہ کتابن کتورر والفاظن اوکر نورلر ايسہدہ ( کمثل الحمار یحمل اسفاراً ) قیلندہ قالورلر .

مادامکہ بویلہدر بز معانی قرآنیہی الہامات ربانیہ دلالتیلہ مجتہدین و مفسرین طرفلرندن سالك سطورہ چکلمش اولان مباحث دینیہی جانندن او قویوب یازوب جانندن دیکلیہم و شیطانندن واکا

تابع اوللردن استعاذہ ایدوب ( فاللہ خیر حافظا و هو ارحم الراحمین ) نص جلیلندہ ذات الوہیتک حافظ حقیقی و بابا و انامزدن و حتی ہر بر مرحمتکاردن ارحم اولدیغنی تصریح و تبیین بیوران اللہ تبارک و تعالیٰ حضر تلرینہ ہر ایشمزدہ صغینہم زیر اشیطان علیہ مایستحق جمہاء ملائک ایلہ برابر اولدیغنی حالہ حضرت آدم علی نبینا وعلیہ السلامہ سجدہ ایتملری جناب حق طرفندن امر اولندیغنی وقت سجدہدن ابا ایتدی و مرقومہ ذات جلیل الشان ( یا ابلیس ) مامنعک ان لاسجد لما خلقت بیوردی دیو سجدہ ایتامسندن سؤال بیوردقدہ کویا آدمی سفلی و کندونی علوی عد ایلوب ( خلقتنی من نار و خلقتہ من طین ) دیہرک حقہ کندوسنجہ معتبر اولان شو حجتی سویلیدی و بو آندہ رحیم و اهل نار اولدی ايسہدہ ینہ جناب حقندن یوم بعثہ قدر شرنی ساحۃ عالمہ نشر ایدہ بیلیمک ایچون اجازت الدی و آنک اوزرینہ دخی ہم کندوسی و ہمدہ اہلی اهل نار اولمق مقرر قلندی .

شمدی بزى انک شرنندن ہر آن ودقیقہ اللہہ استعاذہ امین ایدر و حضرت محمدہ کالیہ تمسک شفیع و ظہیر اولور و بو عاجز طرفندن حقاریکزدہ ( نوراللہ قلوبکم بانوار العلوم و العرفان و ایدکم بہدایۃ المشاہدۃ و العیان ) دعواتی بمنہ الکریم بخلوص البال ترتیل قلنور ہنوز خاطرلردہدر .

یوقرودہ جناب خالق بواجسام حیوانیہی مایہسی ہر کسجہ معلوم اولان شیدن تحصیل ایدن نطفہ علقہ مضغہ عظامدن یتشددیررک دنیاہ جقاردی دیش ایدک بو کیفیت خلقت حقندہ بعض عقلسزلر



سوزه قاریشهرق و جناب خالقی کندی، لسانه المغه عار ایتدیکم  
سوز ایله یادایلیه رک ذات الوهیتی بیلیمور لر انلر زمره حاضره لر یله  
حشر اولسونلر .

بیضاوی حضرتلری تفسیرنده ( وانزلنا من السماء ماء فاخرجنا به  
من الثمرات رزقا لکم جعل المأسیباً الخروج الثمار بقدره الله ومشیته  
ولکن المزج بالتراب سبباً لآخر اخرجها ومادة لها کالنطفة للحيوان  
او ایدع فی الماء النازل من السماء قدرة فاعلة وفي الارض قوة قابلية لتولد  
من اجتماعهما انواع الثمار ) یعنی بو انسان صلب سماندن بطن  
ارضه کلوب اندن دخی مرتبه انسانه کلیور بیوریورلرکه متفقاً  
ابن مسعوددن مروی اولان ( قال رسول الله صلى الله عليه وسلم ان  
خلق احدکم یجمع فی بطن امه اربعین يوماً ) یعنی سزدن بریکزک ماده  
خلقتی که ماء رجل و ترائب مره دربالاجتماع رحم مادرده قرق  
کون قالنجه اول نطفین ممزوجتین شیء واحد حکمنده اولوب  
انانک قوه جازبه سی دخی آنی قرق کوندک تدریججه تربیه ایدر  
( ثم تكون علقه مثل ذلك ) اندن صکره ینه قرق کون قدر  
چکنمش ات پاره سی کبی اولور ( ثم يرسل الله الملك فينفخ فيه  
الروح ) اندن صکره الله تعالی اول جنینه بر ملک ارسال ایلرور روح  
نفخ اولنور .

بوصورتجه قوت فاعله سماویه واندن نازل اولان ماء ایله قوت  
قابله ارضیه مجتمع اولوب بواکیسنک اجتماعندن نبات تولد ایدوب  
اول نباتی باراده الله حیوان ییوب شحات و جسامت باغلیوب  
بعده یانبانک لطیفن ویا حیواندن حاصل اولان لقمه نک نفیسن

انسان ییوب هضم رابعک فضله سندن نطفه حاصل اولوب حین  
مجامعتده صلب رجندن و ترائب مره دن چقوب بطن مادرده  
ممزوج اوله یور

بناءً على ذلك بزده دیرزکه جناب حق بوموجودات یوق ایکن  
حضرت ادمی پالچقندن تصنیع وایجاد ایتدی و آیت کرمینده  
بیوردیغی وجهه اوزره ( فاذا سوتیه ونفخت فيه من روحي )  
کندی روحندن اکا نفخ ایلدی و اعقابی دخی اندن یعنی آنک  
صلبندن و حضرت حوانک ترائب مره سندن تولید ایله سلسله  
بعد سلسله بوقدر تور تدی و حالا تور تمکده در و بو عالم عالم اسباب  
اولدیغی حیثیتدن طولانی نباتاتی یردن خلق و سماندن نازل اولان  
ماء دلالتیه تربیه واحیا و نباتدن دخی نطفین مذکور تینی حاصل  
واندن بو وجودی خلق ایله یور و انسان دخی بعد التولد ییوب  
وایچوب وایام طفولیتی کچوب عقل و تمیز صاحبی اولوب کندوی  
بر شخص معین بولوب اگر هدایت الهی یاری قیلار ایسه مبدأ  
و معاددن تذکرله بو عالمی فانی و غر بتسرا بیلهرک ( ارجعی )  
امرینه بالتبعیه وقت معین حلونه قدر آخرت حاضر لغنی کور یور  
اما عقاسز اولنر بو وجهله دکل ایشته دنیا یه کلنجه بر طاقم شیلره  
صاپشهرق و شیطانک زنجیر اسارتی التنده آشهرق ( یالیتی کنت  
ترابا ) دیمک ایچون هیچ بر شیء تمیزده چالشمیور افاده دن مستغنی  
اولدیغی اوزره حقیقتی ادراک عقلک قوتیه و عاقله علم آینه  
تیسرده صورتما اولور و عاقل اولمانلرک دروتنی ظن استیلا ایدر



وظن ایسه ( کا قال الله تعالى ان يتبعون الا الظن وان الظن لا يغنى من الحق شيئا ) قال الیضاوی فان الحق هو حقيقة الشیء لا يدرك الا بالعلم والظن لا اعتبار له فی المعارف الحقیقه وانما العبرة به فی العمليات ) موجله نخبه حقیقتدن غنا ویرمز بوراده بیضاوی حضر تلی حق شینک حقیقتی دیمک ایله تعیر ایلدی برشینک حقیقتی نفس الامرده اولدینی ماهیته دیرلر بوایه ادراک اولنمز الا علم الیقین ایله پس ظنک معارف حقیقه ده اعتباری یوقدر .

ظنک اعتباری عملیات و عرفیاتده در معارف حقیقه ده اعتباری اوله مز و معارف حقیقه عالمترینک اصطلاحده اشیا ایچون ثابت اولان ماهیاته جاعلک جعلی تعلق ایتمز و خلاصه ظنه تابعیت و یاخود ظن ایله حکم جائز دکل و حضرت رسول اکرم ونبی محترم صلی الله علیه وسلم ( ایاکم والظن فان الظن اکذب الخواطر ) بیوردی بناء لما فيه قوة مميزة صاحبي اولدیغمز وقت علم اللهده قطعاًطن طاشما ملیز بوراده برشیء دهاوارکه بعض قارئین اندن دخی سؤاله تصدی ایده جک اولور اوده ندر دنیلور ایسه کیفیت روحدر .

چونکه بز یوقاروده انسانک ندن اولدینی نقل صره سنده انسان نطفه دن و نطفه دخی نباتات و لقمة حیوانیه نک حضم رابعندن اولور والله روحی نفخ ایدر دیش ایدک .

بناء علیه روح ندر سویلنمدی دیه جک اولان اولور ایسه دیرزکه و قتیله یهودیلر علی طریق الامتحان قریشه دیدیلرکه پیغمبر یکنزدن اوج شی سؤال ایدیکز بریسی اصحاب الکهف دیکری ذوالقرنین

او بریسی روح بواوچنه جواب ویرر ایسه قبول ایتمکز بریسنه جواب ویرر ایکیسنه ویرمز ایسه کذلک ایکیسنه جواب ویرر بریسنه جواب ویرمز ایسه حق پیغمبردر دیدیلر و بقولهم علیه الصلوة والسلام افندمز حضر تلینه عرض اولندی

علیه الصلوة والسلام افندمز دخی اصحاب الکهف و ذوالقرنین وجه تفصیل قرائینه اوزره سویلدیلر فقط روح حقنده ( قل الروح من امر ربی ) خطاب جلالی علی وجه الترتیب شرف صادر اولدینی ایچون بوکا عائد جوابده بوصورتله اکتفا بیوردیلر اما متکلمین اهل السنة والجماعة عقلاری یتدیکی مرتبه ماهیتندن دکل خواص و کالاتندن باحث اولمق اوزره برقاچ شی سویلدیلر و محققاردن بعضلری بزم سرمز بزم کالمزدن ایری و غیری اولمدینی کبی تن جانندن و جان دخی تندن مستور دکلدر .

بناء علیه بدن آینه سنده جمال روح نمایاندر و لکن بوکوزله جانی کورمک ایچون کسه یه دستور ویرلمدی دیشلر .

کله لم اهل سنت علمای ظاهر نه انلردن بعضیسی روح بر جسم لطیفدر ماء وردک و رده و دهنک سمسده و نازک حدیدده سریان ایلدیکی کبی اودخی جسمده سریان ایلر و اکثریسی روح بشول اجسام نورانیه و سماویه و لطیفه دن مرکبدرکه تغیر تبدل تجزی قبول ایلمز و شمس کبی قحان بدن مکنون و مستوی اولسه اول نفیحه شریفه الهی باذن الله نافذ بدن اولور و نهایت جنید بغدادی حضر تلی دخی ( الروح شیء استأثر الله بعلمه لایجوز عنه العبارة ) یعنی روح الله تعالی حضر تلینک علمنده مستقل قالان شیئر اندن



عبارة وحکایت جائز دکلدر دیدی و صدرالدين قونوی حضرت تری  
دخی ( ویستلونک عن الروح قل الروح من امر ربی ) آیینک  
تفسیرنده جیند بغدادی کبی قائل اولدی .

( وهوالمهم فی التوریه ) دخی بیوردی و بناء علیهما بزده روحك  
ماهیتی عام الهیده مستقل قالدی آنک ایچون روح شودر دنیه من  
و انجیق المزك طومسی ایاغمزك حرکتی قولاغمزك ایستمی  
و بوسکا بکزر سائر افعال اقتداریه من روحك قوتیه در دیر  
و بمبه الکرم هرکسی اقناع دخی ایدرز .

برده روحك روانی واردرکه اکا روح تمیز دخی دیرلر و حالت  
نومده خروج ایله عالم ارواح ایله عالم اجساد میاننده بولنان عالم  
مثاله کیدن بوروح رواندر و بدنده قالان روح یوقرودنبرو  
تفصیلات لازمه اوزره عرض ایتدیکنز روح حیوانیدر بعض  
بوروح یعنی اول روح روان عالم ارواحه دخی واصل اوله یلوب  
رؤیا و خیال دامنندن ازاد اولور و بعض دخی اول ارواحی حق  
تعالی عالم خیالده مقید قلاز ورؤیانک دخی اقسام و احوالی چوق  
کسه لرحه معلوم اولوب بناء علیه بوراده آنکله تطویل مقال  
کرکمز یالکز شوقدرینی عرض ایدرزکه ارواح هرکیجه قوالب  
ابدانندن محبوسیتی صیرقدیروب صحرای ارض الله واسعه ده سیر  
قیلوب استراحتدن صکره سورة انعامده اولان ( فالق الاصباح )  
ایت کریمه سی موجبنه مظهر الصبح عن ظلمات اللیل اولان  
الله عظیم الشان قوللرینک روحی افکار شیطانیه و مکاید نفسانیه  
و مقتضای عقل معاش و طبع خفاشدن مصون و محفوظ ایدرایسه

على السحر اول روح بدنلرینه کلدکده انلر کندولرینی غل  
وغشندن ازاده و دیگر قسم روحلر بدنلرینه کلدیکنده کندولری  
طوفان حوادثه مستغرق بولورلر .

شمدی سزه شونی اهدا ایدیمده عمل بیوریکز زیرا روایت  
صحیحه ایله مثبتدرکه هرکم بودعایی یاته جنی وقت اوقوسه الله عظیم الشان  
آنک روحنی بلیات صوریه و مغنویه دن محافظه ایلر و حضرت  
یغمبر علیه الصلوة والسلام دخی اوقورلرایدی .

( باسمك ربی وضعت جنی و بك ارفعه ان امسكت نفسی فارحمها  
وان ارسلتها فاحفظها بما تحفظ به الصالحین ) واکثرأ بودعایی دخی  
اوقورلرایدی ( اللهم سلمت نفسی الیک والجات ظهري الیک  
و وجهت وجهی الیک رهبة و رغبة الیک لاملجأ و لامنجأ منك  
الا الیک امننت بکتابک الذی انزلته و نیک الذی ارسلته ) اصحاب  
الکهنف حضراتی ایله ذوالقرنینک احوالندن بوراده علی وجه  
التفصیل حکایه اولنملی ایدی دیان اولور ایسه آنلره جواباً  
مشارالیهیم حضراتنک حکایه لری براز اوزونجه اولدینی و ایمان  
بحی بوراده بر مقدار تفصیل ایستدیکی جیتله ایلروده بروجه  
دلخواه مکمل حکایه ایله مشارالیهیم حضراتی تذکیر و عبد ایدرک  
و ایمان بحی تکمیل ایچون بوراده بشقه سوزی کسهرک ایشته  
ایمان بحیته عائد تفصیلات شودر دیرز اقدام مطلقاً اوقودیکز  
وبیلورسکزکه قرآن کریمک من جهت الترتیب باش طرفنده کی ایکنجی  
صحیفه ده ( الم ) محرردر ( الم ذلک الکتاب ) مفسرین نورالله قلوبهم  
حضراتی حروف مقطوعه یه چوق معنا و یرمشرسده منتهای



کلامری ( وهی سر من اسرار لله استأثر الله بعلمه وهی القرآن )  
یعنی او حروف مقطوعه اسرار اللهدن برسر در الله عظیم الشانک  
علمنده مستقل قالمشدر او دخی قرأندر دیمکه نتیجه نیور  
و محققیندن بعض حروفک هربری بر وجوده و تخصیص الف  
ذات حقّه اشارتدرکه اول جمیع وجوددر و لام عقل فعاله اشارتدرکه  
لسان شرعه جبرایل علیه السلامه دیرلر و اوسط وجوددرکه  
وجود اولدن استقاضه ایدوب وجود اخری افاضه ایدر ( م )  
وجود محمدّه اشارتدرکه اخر وجوددر و دائره وجود انکله و راءه  
تمام اولمشدر .

ایمدی بو حروف مقسم اولدینی تقدیر اوزره تقدیر قسم بویله  
اولورکه الله حقّی ایچونکه جمیع موجوداتک اولیدر و عقل فعال  
حقّی ایچونکه فیوضاتی ایصاله واسطه اولدر و وجود محمد حقّی  
ایچونکه مظهر ذات وصفات واکمل و مکمل جمیع موجوداتدر .  
( ذلك الكتاب ) ای ذلك الكتاب الموعود فی التوریه والانجیل  
بو تقدیر جه ذلکه نک مشارالیهی قرأندر و یاخود علم اللهده معلوم  
اولان کتابه اشارتدر .

تقدیر کلام ( ای ذلك الكتاب المعلوم فی علم السابق الموعود فی  
کتب المنزله ) اهل تفسیر بونده وجوه کثیره بیان ایده یور .  
فقط بوراده ایرادی قابل دکل ( لاریب فیه ) بو کتابده رب یوقدر  
دیمک اولور و قرآن کریمه رب و کان اوزره باقان اکثر کسهلر  
ضلالت اوزره قالدیلر و نظر صحیح و عقل سلیم اربابی عندنده  
قرآن کریم وجوه سائرّه ایله دخی ربیدن مبرا اولدینی کی شو

اراده قاطعه مخصوصه ایله ده رب و کاندن بری اولمشدر ( هدی )  
مصدردر و مبتدای محذوفک خبر یدر یعنی بو کتاب مطلوبه  
موصلهدر ( للمتقین ) اتقی ایدنلر ایچون متقی اسم فاعلهدر و قی  
یقیدن مصدری و قایه کلور ( الذین ) اویله متقیلرکه یؤمنون  
بالغیب ای یصدقون بما غاب عنهم مما انبیاهم به النبی صلی الله علیه  
وسلم ( غیب غائب معانسهدر ) الایمان اقرار باللسان و تصدیق  
بالجنان ( و یقیمون الصلوة ) دخی اوقات مخصوصه ده صلوة  
مفروضه یی ادا ایلهلر ( و یمارزقناهم ینفقون ) و بزم اعطا ایلدیکمز  
شیئک بعضیسنندن تصدق ایدلر معانسی شاملدر و بو مفردات  
مترجمه دن حاصل اولان نتیجه یی شو وجهله افاده ایدر مکّه اولان  
قرآن کریم وحی الیهی ایله و یوقاروده تفصیل ایتدیکمز صورته  
شرفوارد اولمش و مندرجاتنده رب و کانه مستحق بر شیء  
یوقدر و کوزلری کورمدیکی حالده پیغمبرلرک افهامی اوزرینه الله  
عظیم الشانه ایمان ایدنلر و صلوة اقامه ایدوب و صدقه و یرنلر  
ایچون اتقانک حصوله دلالت و آنک ضمنتده مطلوبه و صوله  
وساطت مقرردر .

دیگر جهته دو نجه ایمان ایکی قسمدر بریسی تقلیدی . دیگر  
تحقیقی و ایمان تحقیقی دخی ایکی قسمدر بریسی استدلالی  
دیگری کشفیدر و استدلالی و کشفیدن هر بریسی یا واقفدر علم  
غیه و یا غیر واقفدر .

ایمدی غیر واقف اولنلر علم الیقین مرتبه سندهدر و بونلرک حالی  
( ان الله کانک تراه وان لم یکن تراه فانه یراک ) یعنی الله عظیم الشانه



کورمش کبی عبادت ایدر ایسه کورمش صایلورسک اسکر  
کورممش ایسه کده چونکه ذات الوهیت مطلقاسنی کورر عبارہ  
ومعناسنی شامل اولان حدیث شریف وجه اوزره تعریف اولنور  
وعلم غیبه واقف اولنر عین الیقین ایمان اصحابی دیمکدر .

انلر جناب حق هر حالده وهر شیده مشاهده ایدرلر ( وهو معکم  
ایما کنتم ) سرینه مظهریت اعتباریله و بومرتبه ایچون طرف  
رسالتدن ( افضل ایمان المرء ان یعلم الله معه حیث کان ) بیورلمشدر  
وحق الیقین مرتبه سی ایچون دخی قرآن کریمده اشارت اولوب  
اودخی ( یا ایها الذین آمنوا آمنوا ) اولدیغنی صدرالدین قونوی  
حضر تلمری بیان بیورمشلردر .

بوده ای الله ایمان استدلالیله ایمان ایدنلر حقیقه ایمان ایدیکنزکه  
ایمان بالعیاندر دیمک اولدیغنی نقل بیورمشلردر و بونک ایچون  
معاذ ابن جبل حقنده ( یاسهب و یاسایمان و یا بلال تعالوا من ساعته  
فأتوا الى رسول الله فقالوا یا رسول الله انا آمنة بالله و برسوله و یقول  
لنا معاذ هكذا قال رسول الله علیه الصلوة والسلام دعوا معاذ فانه  
رجل یحب الله ورسوله حدیث شریفنی حکایت ایدرک بونده کی  
اشارتی سویلرلر و بوندن منہم اولان ایمان حقیقی جانبہ دعوتدر  
دیرلر و حتی زیدک دخی ( اصبحت مؤمناً ) دیدیکی ایمان حقیقی به  
اشارتدر و ایمان عیان و ایمان حقیقی نک علامتی عالم غیبده اولان  
حقایقی مشاهده قیلمقدر دیه حکایت ایدرلر و ایمان تقلیدی دخی  
کورده نک اعتباریله واقع اولان ایمانه دیرلر دیه بیان ایلرلر .

مشاهده ذات ایچون دخی بو آیت کریمه دن اقتباس واستدلال ایله

( قال ربی ارنی انظر الیک قال لن ترانی ولكن انظر الى الحیل )  
فان استقر مكانه فسوف ترانی فلما تجلی ربه للجبل جعله دكا  
وخر موسى صعقا ) وقتا کم جناب عزت جلت قدرته وعلت تکمیل  
( وواعدنا موسى ثلاثین لیلۃ ) مقتضاسنجه اوتوز کیجه وعده ایدوب  
بعد تکمیل ثلاثین صومدن خلوف فم عارض اولوب مسوا کله  
دهان مبارکک تظیب ایلوب ولکن ( خلوف فم الصایم اطیب  
عندی من المسک ) مقتضاسنجه مذکور رایحه نک حصولی ایچون  
( واتمناها بعشر فتم میقات ربه اربعین ) نصیله مشرف واربعین  
دخی تمام اولدقده سلطان طور مسرور اوله رق میقات حقه واصل  
ونائل وکلام حق سامع اولیجق مست و مستغرق عشق اولوب  
( رب ) ای بنم ربم ( ارنی ) بکا کوزک ( انظر الیک ) سکا نظر  
ایدیم ( قال لن ترانی سن سن اولدیغک حالده بی کورده مزسک  
( ولكن انظر الى الحیل ) لکن جبلة نظر قل ( فان استقر مكانه )  
اگر ایدی اول مکاننده مستقر وثابته ایسه ( فسوف ترانی )  
عن قریب بی کوررسک ( فلما تجلی ربه للجبل ) وقتا کم رب  
موسی جبلة تجلی ایلدی ( جعله دكا ) ای مدکوکا ومتلاشیا لا وجودله  
یعنی جناب حق جلی بر وجود دکل ایش کبی مدکوک قلدی  
( وخر موسى صعقا ) ای سقط موسی عن درجه الوجود  
یعنی موسی علی نبینا وعلیه السلام درجه وجوددن سقوط ایتدی  
( صعقا ) ای مغناً علیه وفانیاً دیدکدن و بیضاوی حضر تلمرینک  
( وفيه دلیل علی ان رؤيته الله جائزة لان طلب المستحیل عن الانبیاء  
محال ) و عبدالله بلبانی حضر تلمرینک ( تاحق بد و چشم سر نیم



هردم ( از پای طلب می نشینم هر دم ) گویند خدا بچشم سرنه توان دید ( این ایشانند و من چنینم هر دم ) و سید الطائفة جنید بغدادی حضرت تلرینک رایت ربی ربی فقال من انت فقلت انت انت وقاشانی حضرت تلرینک تفسیرنده حضرت موسی ایام موعوده نك عشر اولنده افنای افعال و عشر ثانیسندۀ افنای صفات و عشر ثالثده دخی افنای ذات ایلدکده کأن جناب حق ( لم تجمع المشاهدة مع تلك البقية ولكن انظر الى الجبل ) قول و معناسنی علی وجه الترادف ایراددن صکره دنیله بیلورکه جناب حق مشاهده اولنمقدن بعید دکلدن فقط بو قانلی کوز ایله کور یله مز انجق مرتبه عشقه واصل اوله بیلوب و ازلقده یوقلق شانی حائر اولور ایسه ک اولوقت حضرت حق رائی و مرئی حقیقده بن اولوب غیریت و اثینیت مابیندن رفع اوله رق ذاتی مشاهده قلازم دیر چونکه عشق حق جمیع موجودات و تعینات و ممکنات و ملوناتک روح و روانی کیذر و امراض نفسانی و روحانینک درمانیدر و الحق بر پر تو رحمانی جمادات مرده یه ایرسه زنده و نباتات افسرده و پثر مرده یه کذر قیلسه فرخنده ایلر نته کم ابن فارضک بو کلامی حجت فارض و برهان لامع و و امضدر.

### ﴿ شعر ﴾

( ولو نضحوا مها قبر میت )

( لعادت به الروح والتعش الجسم )

( وان خطرت يوماً على خاطر امرأ )

( اقامت به الافراح وارتحل الهم )

ولكن على العموم تجلّ حق ومشاهدات حی مطلق قابض دکلدن و بونده مقتضیات ندر دیان اولور ایسه جواباً ( لوظهره الحقایق لبطلت الشرايع ) قیدینی ایراد ایله دیرزکه احکام شریعتک علی الاطلاق درکار اولان لزومی جهته خالق متعال حضرت تلری مشاهده الهیه سنی خاص قیلدی و افراد بشر صلی الله علیه وسلم اقدمز حضرت تلرینک ( الدنیا حرام علی اهل الاخرة والاخرة حرام علی اهل الدنیا و هما حرامان علی اهل الله ) یعنی اهل اخرته دنیا و اهل دنیا یه اخرت و اهل الله بو نلرک هر ایکسی حرامدر عبارۀ و معناسنی شامل اولان حدیث شر بفلری حکمنجه اوج صنفه تقسیم قلنور و علوم اوزرینه دخی سوز ایجاب ایدنجه حضرت محمد علیه الصلوة والسلام اقدمزک حضرت علیدن مروی اوله رق جامع الصغیرده مقید اولان ( قال النبی صلی الله علیه وسلم علم الباطن سر من اسرار الله و حکم من احکام الله یقذفه فی قلوب من یشاء من عباده ) حدیث شریفی حکمنجه علم باطن اسرار الله یه برسر و احکام الله یه بر حکم اولوب آنی ذات اجل و اعلمی قوللرندن دیلدیکنک قلبه القا ایدر و تعریف و سند ابرازینه حاجت اولمدینی اوزره علم ظاهر دخی موجود و معلوم اولان علم اولوب بناء علیه علوم ظاهر و باطن ناملریله ایکی یه منقسم دنیلور و بوراده بر ایجاب دخی واردر که اوده ذات محمدی بی افاده یه عائد اولمق اقتضا ایدر و ایسته متوکلاً الی الله و متوسلاً الی روحانیت رسول الله اندن دخی بحثه شو و وجهه کریشورزکه الله عظیم الشان قرآن کریمده بیوردینی وجه اوزره اول مقدمه



نور نبوت وخاتم کتاب رسالت علیه السلام والتحیت افدمن  
حضرتلری خاتم الانبیا ورسول کبریادر ذاتلری انبیاء سالفهده  
ظهور ایدن معجزات پیغمبرینک جمله سنی حائر بر نسخه کبرای  
کرامت وسعادت ایدی وذات شریفلری ذات نبوتپناهیلرینک  
( ان الله سماني في القرآن بسبعة اسماء المزمّل المدثر عبدالله محمد  
احمد طهيس ) حديث شريفلری موجبجه تحقيقا الله عظيم الشان  
ومالك رقاب الانام اول حبيب خدا و نور جين انبیا ورهبر اتقيا  
وسرور اوليا وشفيع روز جزا حضرتلرينی قرآن کریمنده یدی  
اسم ايله مسما قلمشدرکه انلر دخی المزمّل المدثر عبدالله محمد احمد  
طهيس در وذات محمدیلری بوناملر ايله مسما و مکرم اوله رق قرآن  
کریمده مذکور وامر باهر الميمنت حضرت حق ايله حقه مخاطب  
اولمشدردر .

الله عظيم الشان مشار اليه افدمن حضرتلرينه المزمّل اسميله  
( يا ايها المزمّل قم الليل الى قليلاً نصفه او نقص منه قليلاً او زد عليه  
ورتل القرآن ترتيلاً انا سنلق عليك قولا ثقيلاً ان ناشئة الليل هي  
اشد وطأ واقوم قِيلاً انك في النهار سباحاً طويلاً واذكر اسم ربك  
وتبّل اليه تبتيلاً رب المشرق والمغرب لا اله الا هو فاتخذة وكيلاً )  
الى اخره ومدثر اسميله دخی ( يا ايها المدثر قم فانذر وربك فكبر  
وثيابك فطهر والرجز فاهجر ولا تمنن تستكثر ولربك فاصبر )  
الى اخره وطه اسميله دخی ( طه ما انزلنا عليك القرآن لتشقى  
الا تذكرة لمن يخشى ) الى اخره ويس اسميله دخی ( يس  
والقرآن الحكيم انك لمن المرسلين على صراط مستقيم تنزيل العزيز

الرحيم لتندر قوماً ما انذر اباهم فهم غافلون الى آخره نصوص  
مكارم منصوص صمدانی صادر وسامح اولمشدر وعبدالله ومحمد  
واحمد اسملریله دخی سائر آیات کریمه لری ايله یاد وتمدیح بیورلمشدردر  
وبغایت الله العزيز الغفار بو آیات وسور شریفه لری معانی جلیله سی  
دخی موقعنده مفسرین کرام افاده لری وجه اوزره عرض اولنور  
تحف دکلیدر .

مشاراليه افدمن حضرتلرينک اواخرينه قريب برمسيلمه الكذاب  
ظهور ایدرک دعواي نبوت ایلمش وبعدوفات النبي صلى الله عليه  
وسلم مذکور مسيلمه حضرت ابو بكر الصديق رضى الله عنه ايله  
دخی محارب اوله رق قاتل حمزه اولان وحشینک یدیله مقتول  
اولمشدر .

ان شالله انکدخی احوالی وکندوسنه واقع اولان معامله عرض  
ایدیلور وبحث نور وروح وعقل محمدیلرینی مفید اولمق مراد  
ایدیلنجه مشاراليه افدمن حضرتلرينک ( اول ما خلق الله الدرة  
البيضا ) و ( اول ما خلق الله العقل والفلک النورانی والرحمنی )  
و ( اول ما خلق الله روحی ) و ( اول ما خلق الله نوری ) و ( اول  
ما خلق الله عقلی ) احادیث رسالتپناهیلری حکمنجه واتفاق  
موجبجه جناب خالق متعال تنزه ذاته عن الحدود والزوال  
حضرتلری اول مخلوقات اولمق اوزره حضرت مشاراليه نورینی  
وعقلنی وروحنی خلق ودرء بیضا وعقل وفلک نورانی ورحمنی  
دخی نور محمدی دیمکدر .

تفصیلاته کلنجه دریدن مراد هر برجرم فلک عقلیدرکه عقل اجرام



فلکده حاکم ومدبر صایلور و بو عقول عقول عشردن عبارت اولور و عقول عشره عقل اولدن وانوار نور اولدن صدور ایتشد و اجرام فلکک عقولدن ظهوری شو و وجهله درکه الله تبارک و تعالی اولاد دره بیضا کبی عقل اولی ایجاد ایلدی و بو عقل اول اسامی کثیره ایله مسمی بر نور مدرک و جوهر قائم بالذاتدر و دائما موجودیله و نور ذات و تجلی صفایتله دائمد و ایشته دره الیضا و علت اولی و قلم اعلا دیدیکمز و بونلردن ماعدا دخی بعض اسما ایله تذکیر ایتدیکمز بو مذکور اولان حقیقتدر و بو عقل اوله اوچ وجه توجیه اولمشدرکه وجه اول خالقنی ادراک ایدوب جمال و جلالنی مشاهده قلدینی جانیدر و بوجانب وجوبی و کمال شرفیتی و بو شرافت بر نور شریفی اقتضا ایدر و اول مقتضی نور شریف اول جانبیدن تولد ایدرکه اکا عقل ثانی دیرلر اوده عرشک عقل مدبریدر و بو اعتبار کندی ذاتی ادراک ایلمسندندر .

ایمدی بوندن دخی نفس حاصل اولور و اکا نفس کل دیرلر و او دخی عرشک نفسی صایلور و بو اعتبار مخلوقیتی و امکانیتی ادراک ایلدیکندندر و بو وجه ادنادر و بوندن جرم فلک اطلس حاصل اولور عقل ثانیدن دخی بو اوچ وجهی شو و وجهله اعتبار ایدرلرکه خالقنی ادراک ایتسندن طولای عقل ثالث و کندویی ادراک ایلدیکی جهتدن نفس فلک البروج و نقص و امکانی ادراک ایتدیکندن جرم فلک البروج حاصل اولور و عقل رابعدن دخی عقل عاشره کلنجه قدر عقول بری برینک اعلا اولان و جهلرندن ظهوره کلور

و نفوس فلکیه دخی اوسط اولان و جهلردن وجود بولور و اجرام فلکیه دخی ادنی بولسان جهلردن صدور قلور و مادام عقل کل نفسندن نور یزدان و مظهر اسم رحمان و در لمعان اولدیسه عقول عشره نك هر بری اکا منسوب اولمغله فلک نورانی و رحمانی و دری اولور و بو عقلک هر بری جرم فلکده حکومت و تدبیر ایلرلر و فلک رحمانی و دری فلک دخانی یه حاکمدر و فلک دخانی دینلمسی دخان و مدور لکه منسوب اولدینی جهلردندر .

معلومدرکه الله عظیم الشان قبل خلق السموات والارض بر در خلق ایتدی اکا نظر جلال ایله تجلی قلدی اول درماء مزاب اولدی و مائک بخارندن اجرام فلکیه بی خلق ایتدی و مراتب اوزره یکدیگره حاکم قلدی و ایشته موجودات یعنی مخلوقات اندن حصوله کلدی و عقل دخی مراتب مذکوره اوزره مخلوق و مزیت مز بوره ایله موجود قلندی عقل اول صور ترابیه اوزرینه حاکمدر و حواس ظاهره و باطنیه سی حواس ظاهره و باطنیه ترابیه سی اوزرینه حاکمدر و عقل کله منسوبدر و ریاح دخی بو صورت اوزرهدر و بونلر نصل ایسه میاه دخی بویلهدر و عناصر بشریه دخی بو مرتباتی حائزدر و بو صفات حاکمی انلرده دخی وارددر و بونلرک جمله سی استعداد ذاتیلری دائر مندند و اصل مراتب اولمشلردر وینه اول استعداد صورتیه ادراک حقیقت ایتشلردر و ایله اولنجه آچیق سویلیه لکه جناب حق بو موجوداتی خلق ایتزدن مقدم نور الهی پسندن حضرت محمدک نور نبوتی خلق ایتدی و اول نوری انبیای عظامک انلرنده کزدردی صکرده و وجود محمدی بی



ایجاد و خالق بیوردی ارواح انیا و اولیا و اتقیا و عرش و کرس و لوح و قام و قیل و اونسکز بیک عالم حضرت محمد حرمته خالق اولندی.

بناءً علیه حضرت محمدك نوری اشرف الانوار و روحی اشرف الارواح و عقلی اشرف العقول و ذاتی اشرف الخلائق اولوب ایکنجی ارواح و انوار و عقول الانبیاء و الرسل و اوچنجیسی ارواح و انوار و عقول الاولیاء و دردنجیسی ارواح و انوار و عقول الاتقیاء و بشنجیسی ارواح و انوار و عقول الاصفیاء و التنجیسی ارواح و انوار و عقول ارباء و یدنجیسی انوار و ارواح و عقول العلماء و سکننجیسی ارواح و عقول المؤمنین و اوننجیسی ارواح سائر و عقل معاشدر و بونلرک جمله سی دخی بو مراتب متفاوته و مرجحه اوزرینه مخلوقدر وله الحمد والمنه بزجه منکر اولمدیغی اوزره الله عظیم الشان و جلیل العنوان حضرت تلی ذات الوهیتی هر مخلوقک خالق اولوب ذات الهیسندن بشقه خالق اولمدیغی ذات صمدانیسی حضرت محمد علیه الصلوة والتحیت افندمره ( قل کل من عند الله خالق کل شیء و هل من خالق غیر الله ) ودها بوندن ماعدانجه ایات معالی بینات ایله امر و اراده و اثبات بیورمشلردر و ذات و مرتبه محمدی بی شو و جهله افاده ایده بیلورمکه بیوکلکده جمله دن بیوک و کوچکلکده یالکز جناب حقندن کوچکدر و ( لی مع الله وقت لایسغنی فیہ ملک مقرب و لابنی مرسل ) حدیث شریفنه نظراً مشارالیه حضرت تلینک حضرت حق ایله بروقتلی و اردرکه اول وقتده کندولرینی نه ملک مقرب و نه ده بی مرسل یتشه میه جکی

مبرهن و مصدقدر و مشارالیه حضرت تلی خصایص کونیہ سنک مرتبه احدیتله معانق اولدقلرینی کویسترر و ایشته باقکزر مرتبه حقیقت محمدیه لرندن مترجم اولمق اوزره ابن فارض حضرت تلی دیواننده ( تعانقت الاطراف عندی و انطوی بساط السوی عدلاً بحکم السویة ) یتنی نه کوزل بیورمشلردر.

اما شوراسنی عرض ایده میکه بعض کسینه لک اعتقاد لری وجه اوزره حضرت محمد جناب حق ایله شان احدیتده مشترک و مساوی دکلدر.

انجق مرتبه مخلوقات اعتباریله اک برنجیدر و خلاصه مشارالیه علیه الصلوة والسلام افندمر حضرت تلی مرتبه رسالتی مرتبه نبوتی مرتبه محبوبیتی مرتبه حکمتی مرتبه ولایتی حائزدر لر و ذات پیغمبری لرینه نازل اولان و الحمد لله تعالی بزجه احکام جلیانه تمسک ایدلمش بولسان قرآن کریم دخی ( والله متم نوره ولو کره الکافرون ) و انانحن نزالنا لک و اناله لحافظون ) ایات کریمه لری ایله مظهر مدیحت اولمشدر و ایشته باقکزر الله تبارک و تعالی حضرت تلی هر نقدر کافر لر اکراه ایتسه لر بیله نور الهیسنی اتمام ایتمش و قرآن کریمینی کمال عظمت و قدرتیله محافظه ایلمکده بولنمشدر.

و ( فمن بدله بعدما سمعه فانما اثمه علی الذین یبدلونه ) و ( ان الله سمیع علیم و الحمد لله رب العالمین ) مصداق لر نجه الله عظیم الشان اول قرآن کریمینی تبدلدن تغیردن و شرائر اعدادن مصنون قلمشدر



وبونلرك مغالری علی وجه الاجمال والاختصار ( الله تبارك وتعالى نورنی متممدر اكر كافر لر اكر اه ايدر لر ايسه ده تحقيقاً الله عظيم الشان ذكرى يعنى قرآن كريمى حضرت محمده انزال ايتدى زمان رسالتنده وكندودن صكره حافظلردر وبوقرآن كريم الشانى بعد الاستماع هر كيم تغير ايتك ايستهسه اثم كندى اوزرينه اوله جفنده شبه يوقدر والله عظيم الشان سميع وعلميدر يا محمد حمد ايله رب العالمينه ديمك اولور وايشته بوراسندنده اكلاشيلوركه قرآن كريمه نقصان اسنادى تغير و تحريف اولنمش افتراسى قابل اطمئنان اولمز الله ايچون بايقىز بايقىزده بولنديغمز شوحال سعادت اشمالدن طولاي الله شكر ايديكز زيرانه بيوك شرف وسعادتدركه الاهى بيلورز ونقدر اولو دولت ومزيت وممتازيت كه حضرت محمده امت اولمشر ونجه جسيم وجيل نعمتدركه قرآن كريم بزم كتاب امتسا كمزدر وندرلو على مسعدت كه احاديث نبويه محفوظ ومضبوطمز اولمش ونقدر جميل موفقيتدركه اصحاب كزين ترتيب دين وتعريف يقين ايتمشدر وهر نرهيه كيتسهك قرق بش نوع قرآن دكل برقرآنه تصادف ايدرز اويله اولنجه شرعة الاسلام صاحبنك ( اذا سلم النبي صلى الله عليه وسلم سلم ثلاثاً واذا كلم كلم ثلاثاً كما قال عليه السلام اياكم والوصال اياكم والوصال اياكم والوصال وكما قال النصيحة الدين النصيحة الدين النصيحة الدين ) ديديكنه وعن كعب ابن مالك قال اذا اكل النبي عليه السلام يأكل بثلاث اصابعه وروى البخارى عن مولى عثمان اخبر انه رأى عثمان بن عفان رضى الله عنه دعا باناء فافرغ على كفيه ثلاث مرار ففعلها

ثم ادخل بيمنه في الاناء فضمض واستششق ثلاثاً ثم مسح برأسه ثم غسل رجله الى الكعنين ثلاث مرار قال قال رسول الله صلى الله عليه وسلم من توءاء نحو وضوئى هذا ثم صلى ركعتين غفرله ما تقدم من ذنبه ) حكمه بالتبعيه والتمسك الحمد لله على دين الاسلام وعلى هداية الرحمن والصلوة والسلام على رسولنا محمد الذى اوصانا بالايمان وعلى اله واصحابه ديه مرة بعد اخرى اوج دفعه حمد وصلوة وتحيات ايفاسيله بوبخى بز وقرائتى سز بوراده براغهرق مباحث سائر هيه نقل خامه ومطالعه ايليه لم .

معلومدركه بورايه قدر جريان ايدن صور محرره دن الله عظيم الشان ورسول اكرمى اولان حضرت محمدى وشان ومزيت وعقل وروح محمديلرني وسماي واجرام فلكيهني وعقول ومراتب بشريهني وايمانك اعداد واقسامني واعتقاد وعلمى ويقينى ومشاهدة الله انسان ايچون برامر محال اوليوب افناى ذات وقوعنده هدايت ومراد الهى ايله ميسر اوله بيله جكنى ودين اسلامك مرغوبيت ومقبوليتنى وقرآن كريم تغير وتحريف قبول ايتيه جكنى افاده ايتدك ان شالله بوندن يعنى يوقروده جريان ايدن وعدمزى انجاذ ضمننده اصحاب الكهف حضراتندن دخى بيان معلومات ايتدكدن صكره سائر فقرات مياننده مراتب خلقت ندن ونصل واقع اولوب سهادخى بعضيلرك ديدكلرى كبي دكل قرآن كريمك حكمى موجبنجه مبنياتدن اولديغنى وشمديكى كور ديكمز ابنائى جنسمزدن اول يعنى ادم وابناسندن مقدم مخلوقات الهيه اولمق وآنلر دخى مكلف بولنمق اعتباريله نقدر مخلوقات كلوب



کچدکریخی علی وجه الاختصار عرض ایدہ جکر اصحاب الکف  
حضراتی نصل اولش دینلرہ دیرزکہ بونلر حقندہ قصہ های کونا  
کون صفحہ زمینی احاطہ ایش وهرکس دخی بر درلو سامع  
اولش ایسہدہ اصح اوزرہ منقول اولان اقوال نتیجہ سی شوندن  
عبارتدرکہ عاجزلرینک مملکت اولوب اعصار سالفہدہ سوس ودها  
صکرہ افسوس وشمیدی طرسوس اسمیلہ مسما اولان مملکت  
مشار الیہم حضراتیہ منسوب اولدقلری دقایانوسک مقری ایش  
طرسوس اطنہ ولایتی داخلندہ برقصادر فقط اطنہ ولایتہ وسعتجہ  
مساوی دکل ایسہدہ بکدہ چوق ارہلرمز وطرسوسدہ اولان  
روحانیت اطنہدہ یوقزیرا طرسوسک اون دقیقه یوقروسندن نہر  
بردان معظماً جریان ایتکدہ اولدینی کبی مذکور اون دقیقه لک  
محلہ بندباشی دنیلور بر موقع وارکہ اورادہ صولرہ مقسم ویرلمش  
بناءً علیہ نہر مذکور دردہ مقسوم اولہرق بریسی شہرک وسطندن  
دیگری صاغندن اوبریسی صولندن ودردنجیسی اووچ ارماغہ  
معادل اولوب شہرک صول جہتدہ کی یکرمی بش اوتوز دقیقه لک  
مسافہ لی محندن جریان ایدہ یورہ

طرسوسک درونی وایکی طرفی باغچہ لراہ مزین اولدینی کبی ذکر  
اولنان بند باشی جہتندن شمالی اولان محللرک برباشندن دیگر باشہ  
قدر مملکت ارقہ سی یوکسکی الحاقی طاغیر و تپہ لر ایلہ محاطدر  
بناءً علیہ طرسوسدہ انشراح وانبساط قلوب ایچون متعدد مسیرہ لر  
بولنور وہلہ ایشتہ اوشمال جہتہ کیدیلور ایسہ ہوا ی نسیمی  
قوقلانور ودها کوزل برخاصہ وارکہ ایام ربیعہدہ عرض ایتدیکم

باغچہ لردہ کی ترنج و پرتقال و طاتلی واکشی لیمونلر و اشجار سائرہ  
متوعہ چیچک آچنجه وکلر عزار کلکونلری کویسترنجہ ارتق  
وقت سحرکی اوقاتک المنشرح و مہنجدہ طرسوسک درونی  
کوزل کوزل قوقولر احاطہ ایدر ودروندہ مدفون بولنان دانیال  
نبی علی رسولنا وعلیہ السلام ایلہ حضرت لقمان وبلال الحبشی و سائر  
انیا واصحاب واولیانک مقام مبارکری اصحاب الکہف حضراتنک  
اوچ ساعت ارقہدہ اعتلا ایش برجل معظم ایلہ مشرف اولدقلری  
کورنجہ نہ کوزل بر مملکت ایش دیہ سندہ پسند ایدرسک ایشتہ  
اوراسنک مقدا مسلمان وصال برپادشاهی اولوب آنک وفا تندن  
صکرہ عجم ملوکندن دقایانوس اسمندہ کی مذکور ملک عسا کر  
کثیرہ سیلہ و مشار الیہم اصحاب الکہف حضراتیہ بابلدن طرسوسہ  
کلشدر دقایانوس وجودینک قواسنہ وامرینک عدم تأخرینہ واقتدار  
مالینک چوقلغہ مغرور بر شی اولدینندن نصلسہ اولیاء شیطان  
اولہرق اوتامندن تکریلق دعواسنہ قیام ایلہ چوق یرلردہ ایقاع  
مظالم و تعذبات ایدرک شرارہ نار ملعنتی طرسوسہ دخی صاحبش  
وچوق دلیری قاندرمش دعوا بویلہ جریان ایدہ یور وخلق  
دخی فرقہ فرقہ کندوسنہ تابع اولمقدہ بولنہ یور ایکن یلیخا  
مکسلینا مسلینا مرنوش دبرنوش شاذنوش حضراتی ذاتاً مرقومہ  
ذہر قدر قلباً متایل اولیوب کزلی کزلی توحید حقہدہ قائل  
و تسبیح رب متعالہ مشتغل ایشلر دیرکن دقایانوس دہا زیادہ  
سطوتہ مالک بر ملک ظہور و هجوم ایدنجه مرقوم دقایانوس  
شاشالامش و مشار الیہم حضراتی دخی بربری بیندہ ( دقایانوس



دخی مخلوق اولسه ایدی عدودن قورقز واکا غالب کلور دیوب  
 نبول ایتمز ایدی افاق وانفسه نظر ایتدکجه صانع ومدبریمزک  
 وارلغه بنده علم یقین وکامل حاصل اوله یور ) دیه مکسلینا  
 طرفدن واقع اولان افاده بی تصدیق ایتدکلرینی دقایانوس مأمورین  
 خفایا معرفتیه ایشیدنجه مشار الیهم حضراتی اعدام امر ایتمش  
 فقط اولانده دقایانوسک وکلاسی یادقایانوس بونلر عاقل وصالحلردر  
 وسنک وکلا زاده لردر بونلری اعدام ایتمک راضی دکلر بلکه  
 سکا عبادتی قبول ایدرلر کندولری بویکجه امهال ایله دوشونسونلر  
 دیمکدن ناشی امهال اوله رقی کجه مشار الیهم حضراتی خانه لرندن  
 بر مقدار بیه جک واقعه الوب شهردن خارج فرار ایدرلر ایکن  
 بر چوبان مشار الیهم حضراتنه مصادف اولوب رفاقت ایدر  
 واسباب فرارلرینی تفحص ایلر واللهدن بشقه عبادته لایق اولمديغی  
 تصدیق وعهدنده ثبات وعد ایله مشار الیهمی تأمین ایلر بونلری  
 کورنجه چوبانک کلجی دخی ارقله لرندن او یار مشار الیهم حضراتی  
 کلجی دفعه ورده قیام ایدرلر بناء علی مذلک کلب لسانه کله رک بندن  
 نه ایسترسکز بنده اللهک احبابی سوه رم بونک ایچون سز کله  
 رفاقت ایده یورم بلکه او یودیغکز وقت دخی سزه بکجیلک ایلرم  
 دینجه انکدخی رفاقته قائل وراضی اولوب نهایت طرسوسه اوچ  
 ساعت مسافه سی اولان بنا خلوس طاغنک جنوب جهته کی  
 غاره کر مشلر و بر مدت صکره علی الفور کتورمش اولدقلری  
 بیه جکک عدم کفایتنه مبنی تفکر ایدرلر ایکن غارک قپوسی  
 اوکنده قورومش اولان براغاج قدرت بالغه صمدانیه و همت

معظمه سبحانیه دلالتیه یشلنوب میوه و یرمکه ومغاره ده برده  
 ماء لذیذ طاملمغه باشلامش و بر مدت دها امرار اولندقدن صکره  
 مشار الیهم حضراتی یاربنا بزه رحمت ومغفرت احسان ایله وبزی  
 بوراده دشمن شرنندن ازاد ایدوب نیتمزده صادق ایله دیه دعا ایدرک  
 او یوم مشار دقایانوس بونلری اقربالرندن ایستمش انلرده نر دیه کتدکلرینی  
 بیلمدکلرینی افاده ایلملری اوزرینه اراندرمش طراتدرمش ذکر  
 اولنان غارده اولدقلرینی خبر المش خزینه داری مارنوس ایله برابر  
 وارکان وعسکرندن بعضیلرینی الهرق ذکر اولنان طاغیه کیدوب  
 مشار الیهم حضراتی طیشاری چاغرماسنی مارنوسه امر ایتمش  
 اودخی باقمش بونلری آچلقدن اولمش ظن ایدرک دقایانوسه بونلر  
 آچلقدن اولمش دینجه دقایانوس دخی وارسونلر وفات ایلسونلر  
 مغاره نک قپوسنی محکم قپایوب احوالدرینی باقردن بر لوحیه حک  
 وتسطیر ایله غارک قپوسنه تعلیق ایدیکز دیه رک بعدالامر شهره  
 عودت ایلمش ومشار الیهم حضراتی دخی اوحالده قالمش و قتا که  
 حضرت عیسی علی نبینا وعلیه السلام دنیایه نبوت ایله بعث  
 بیوریلوب وطرسوس اهالیسی دین عیسی ایله متدین اولوب  
 حضرت مشار الیه وقعه معلومه وقوعیه سمایه عروج ایتدکدن  
 صکره اهالی مرقومه نک بر قسمی حشر اجسادی وبعض حشر  
 اجساد مع الارواحی انکار و پادشاهلری عبد الرحمن مسلم وعادل  
 واعتقادی درست اولمغه خلقک اصلاح اعتقادلری ضمنتده  
 بر علامت ظاهره وقدرت باهره اظهار وارانیه بیورلمسنی جناب  
 حقدن تمی واستدعا ایدنجه مشار الیهم حضراتی باذن الله اویقودن



قالقمش وقارنلرینک اجلنی جهته یملیخا حضر تلی دیر جلب  
ما کولات ضمننده طرسوسه کوندرلمشدر.

مشار الیه یملیخا حضر تلی یانلرنده موجود اولان پاره یی  
اتمکچی یه ویردرک اتمک المق ایستمش ایسه ده پاره دقیانوس سکسی  
التده اولدیغندن طولایی دفته بولدی دیه اتمکچی طرفندن حکومته  
ارائه اولنه رق ملک مشار الیه حضورینه حیاقلش ملک یملیخا  
حضر تلی بو پاره یی نره دن الدک یوخسه دفته می بولدک دیه  
سؤال یملیخا دخی یارب بونلر نصل ادملردر کندی ملککرینک  
پارهنی المق ایستمیه رک قیل وقال ایده یورلر.

بن پاره یی دونکی کون یانمه الدم بو کون اتمک المق ایستم ویرمز لر  
دونکی کون بکا هرکس اعتبار ایده یور ایدی نفوذیمی طانیور  
ایدی بو کون بنی طانیملر بوندر بن دفته بولدم بو اچه مملکتک  
اصل ملکی دقیانوسک پاره سیدر دیه افاده ایدنجه مشار الیه ملک  
عبد الرحمن یکت بو مملکتک اصل ملکی ایشته بنم دقیانوس  
دیدیکک کیم اوله یور وهمده دقیانوس کچه لی برقاج یوز بیل اولدی  
حتی بن آنک کبی کافر دخی دکلم دین عیسی ایله مؤمنم دیمسی  
اوزرینه یملیخا حضر تلی عیسی علیه السلامی سؤال ایدر ملک  
دخی علی وجه التفصیل بیان وعیسی علی نبینا وعلیه السلامک  
سمایه عروجنی یعنی سمایه طرف رب مناندن شرفصادر اولان  
حکم وارادت وقدرت ایله مرفوع ایدوکنی افاده ایدر وبوصورت  
ایسه مشار الیه یملیخا حضر تلی نه بادی حیرت اولور.

مع مافیه یملیخا حضر تلی سوزینه نه دوام ایدرک حتی بن

دقیانوسک مقر بلرندن ایدم فلان محله ده خانه مز دخی وار ایدی دیر  
ملک دخی خانه سنی وکندوی بیلورکسنه واریسه انلری ارايه اتمک  
اوزره یانه ادملر ترقیق ایله مملکت درونه کوندر یملیخا حضر تلی  
مملکتی طولاشور کندوسنی بیلور بر آدم کوستره مز خانه سنی  
ارر بوله مز دیرکن جناب حق ومعین مطلق حضر تلی بر ملک  
انزالیه یملیخانی افهام ایدنجه مشار الیه خانه سنی بولور وقیوی  
اورر خانه درونندن بریر کلور قیوی نیچون اوردیغنی یملیخا  
حضر تلرندن استفسار ایدر یملیخا دخی بو خانه بنم اولدیغنی  
ایچون قیوی اوردم دیر پیردخی سن نه سویله یورسک بن یوزاللی  
باشندیم بو اوده طوغمش بیومشم خانه بنم مالمدر دیمش ایسه ده  
یملیخا حضر تلی سکا یرنشان کوستردیمده بو خانه بنم مالم اولدیغنه  
مطمئن اول دیهرک خانه نک برجهتنده کندوسنک دفن ایتدیکی  
پاره یی خبر ویردرک محانی دخی ارائه ایدر اوراسنی حفر ایدر لر  
مدفونات دیدیکی کبی حقار.

بناء علیه پیرهم متعجب اولور وهمده سوزینه دوام ایله خانه نک  
دقیانوس زماننده انشا اولنوب کندوسنه پدری طرفندن واکا  
دخی پدری یملیخا دن منتقل اولدیغنی ویملیخا حضر تلی دخی  
دقیاسک ماینجیسی فقط دقیانوس کبی دکل مؤمن ایدوکنی  
وبناء علیه دقیانوسک دعوتندن قورتلحق ایچون ارقداشلریله برابر  
فرار ایدرک طاغده وبرغارده کزلنمش ودقیانوس دخی بونلرک  
اوراده اولدقلرینی خبر الهرق کیدوب برکشف تعرضیدن صکره



کړک یملیخا وکړک رفقاسنی اولمش ظنیله غارک پنجره سنی محکم  
 قاندررق عودت ایتدیکنی سویلر .  
 سوز بورایه کلنجه یملیخا حضرتلری ایسته اوسولدیکنک یملیخا  
 بنم و بووقوعات دخی بزم وقوعا تمزدرو بو حالده سن بنم حفیدم سنک  
 دیه حفیدی ایله اوپوشوب سوشمشلر وخلق دخی قوت الهیه نک  
 نه درجه حیرت بخش عقول اولدیغنی ذکر ایله مشارالیه  
 حضرتلرینی ملکه اعاده وماجرایی نقل وحکایه ایتمشلر .  
 اوراده یملیخا حضرتلری دین عیسانک کندوسنه تلقین اولنمنی  
 ملکن رجا ایدوب بعدالتشرف بالایمان عودت قیدینه دوشمش  
 وملك وارکانی طرفدن مملکت مزده قال سزک ایله مشرف اوله لم  
 دیه رجا ایتمشلرایسه ده ارقداش لرندن طولای غاره عودته  
 مجوریتنی درمیان ایدرک تکرار غاره کتمش وملك وارکانی  
 دخی برابرنده بولنمشلر وغاره تقرب ایدنجه بوجمیت دقیا نوس  
 مظالمی هنوز خطرلرنده اولان ارقداش لریمه باعث خوف وتلاش  
 اولور آنک ایچون غاره بن یالکز کیریم سزده طیشاروده  
 طوریکز دیه یملیخا حضرتلری سویلمسی اوزرینه ملك مشارالیه  
 مشارالیهک اولوجهله وقوعبولان افاده سنی قبول ایله طیشاروده  
 قالمشلر ویملیخا حضرتلری غاره کرمش رفقاسنی یمکن صکره  
 بووقعه دن خبردار ایتمش انلر دخی برازت فکر و دین عیسایی قبول  
 ایدرک بالاتفاق حال سابقلرینه عودتی الله عظیم الشان دن استدعا  
 ایتمشلر وجناب حافظ مطلق مشارالیه حضراتی کافی السابق  
 اویوتمش منتظرین و مترقین طیشارو چیقان اولدیغنی کورنجه

استطلاع احوال ضمننده غاره تقرب ایله دخول قصد ایتمشلرایسه ده  
 مشار الیه یملیخا حضرتلرینک حفیدی قیودن باقمش بونلرک  
 بیروح کبی اویقوده اولدقلرینی کورمش واو صروده غارک قبوسی  
 دخی قیامش وکندولرده شهره عودت قیدینه دوشمشلر .  
 روایتده ابن اسحقه اسناد اولنان قوله کوره اشبو اصحاب الکهف  
 حضراتنک اویقودن اویاندقلری زمان طرسوس اهالیسنک  
 بر قسمی حشر اجسادی و دیگری حشر اجساد مع الارواحی  
 انکار و اول عبدالرحمن اسمنده کی ملک مسلم و عادل دخی انلره  
 مخالفت ایله بر علامت ظاهره و ساطتیله بو خلقک تصحیح  
 اعتقادلرینی جناب حق دن و ذات جلیل رب مطلق دن استدعا ایلر  
 ایش ارتق دعا قبول و بووجهله ظهورات اولنجه اعتقاد تصحیح  
 ایتمش و مرویدرکه سیدالبشر و فخرالعوالم علیه افضل الصلوة  
 والتحیات افندمز حضرتلرینه تبلیغات قرآنیه ایله بووقعه معلوم  
 اولنجه مشار الیه افندمز بونلرک دین مبین محمدیلری ایله دخی  
 شرفلرینی ارزو وجناب حق دن تمی ایلمش و اجازت سبحانیه  
 وقوعنه بناء ردای سعادت لرینه چهار یار کزین حضراتی اقعاد  
 وحضرت سلیمان مسخر اولان ریج وداعتیله غاره ارسال بیورمش  
 وحضرات اصحاب الکهف دخی اول دین اشرف ایله ده مشرف  
 اولمشلر و چهار یار کزین رضوان الله تعالی علیهم اجمعین حضراتی  
 عودتله کیفیتی علی وجه الوقوع علیه الصلوة والسلام افندمز  
 حضرتلرینه عرض وحکایت ایتمشلر .  
 اصحاب دن محمد ابن کبدن دخی روایت اولندیغنه نظراً اشبو



اصحاب الکهف حضراتی یوم قیامتہ یقین و حضرت عیسانک روی  
ارضه عودت و نزولنی متعاقب بردخی بیدار اولوب بیغمبر مشار  
ایله حضرت تریله مأمور اولدقلری موادی تسویه و بعده وفات  
ایده جکلیر ایش مشار الیهم اویقوده ایکن ( وترالشمس اذا طلعت  
تر اور عن کهنهم ذات الیمین و اذا غربت تقرضهم ذات الشمال )  
ایت کریمه سی حکمنجه کونش طلوعنده صاغ طرفلرینه میل  
وغروبنده صول طرفلرینه کیدر ( وتحسبهم ایقاًظاً وهم رقود  
ونقلبهم ذات الیمین وذات الشمال ) موجب عالینجه دخی مشار  
الیهم اویقوده ایکن من طرف الرحمن صاغه وصوله چوریلورلر  
و کندولر دخی اویانق ظن اولنور ایش ( وکلبهم یاسط زراعیه  
بالوصید ) و ( لو اطاعت علیهم لولیت منهم فراراً ولئت منهم رعیاً )  
ایات کریمه لری ایله ده حضرت محمد علیه اکمل الصلوٰۃ والتحیة  
افندمره جناب حق بیوره یورکه یا محمد اکر سن آنلره نظرله مطلع  
اوله ایدک خوفکدن کرو دونوب قچار ایدک و قلبک انلرک  
قورقوسیه طولار ایدی ( وكذلك بعثناهم لیتسألوا بینهم قال  
قائل منهم کم لبثتم قالوا لبثنا یوماً او بعض یوم ) و بو آیت کریمه  
حکمنجه دخی بیور یله یورکه بز شان الوهیت و قدرت صاحبی  
آنلرک بیدلرینه قاج کون اویقوده قالدقلرینی بری برندن سؤال  
ایتمک ایچون بربعثت خفییه و یردک آنک اوزرینه ایچلرندن  
برسی سائرلرینه خطاباً قاج کون اویودق دیه سؤال ایتدی  
انلر دخی برکون یاخود برکوندن بعض اوله رق اویودق دیدیلر  
وصکره ( قالوا ربکم اعلم بما لبثتم فابعثوا احداکم یورفکم هذه

الی المدينه فلینظر ایها اذکی طعاماً فالیأتکم برزق منه ) موجبنجه  
مشار الیهم حضراتی قاج کون و نمقدار مدت اویقوده قالدقلر یمزری  
ربز تعالی و تقدس حضرت لری بیلور دیرک یوقاروده تفصیلات  
مکمله ایله عرض ایتدیکم وجه اوزره یملیخا حضرت لرینی طعام  
تدارکی ایچون طرسوسه کوندردینر و دخی مدت نوم ( ولبثوا  
فی کهنهم ثلث مائة سنین وازدادوا تسعاً ) نص جلیلی اقتضاسنجه  
مشار الیهم حضراتنک اویقوده قالدقلری مدت اویچوز طقوز  
سنه دن عبارتدر.

صورت افاده مشار الیهمک عددینی تبیینه کلنجه ( سيقولون ثلثة  
رابعهم کلبهم ) آیت کریمه سی موجبنجه بعضیار اصحاب الکهف  
اوچدر دردنجیسی کلبریدر ( و يقولون خمسة و سادهم کلبهم رجاً  
بالغیب ) آیت کریمه سی مدلولنجه بعضیار دخی اصحاب الکهف  
بشدر التجیسی کلبریدر ( و يقولون سبعة و ثامنهم کلبهم )  
آیت کریمه سی موجبنجه بعضیار دخی اصحاب الکهف دیدر  
سکرنجیسی کلبریدر دیمشدر ایسه ده ( قل ربی اعلم بعدتهم  
ما یعلمهم الی قلیل فلاتمار فیهم الامراء ظاهراً ولا تستفت فیهم  
مبهم احد ) و ( قل الله اعلم بما لبثوا له غیب السموات والارض  
البصریه واسمع مالهم من دونه من ولی ولا یشرک فی حکمه احدا  
واتل ما اوحی الیک من کتاب ربک لامبدل لکلماته ولن تجد من دونه  
ملتحد ) اوامر باهر المزایاسی حکمنجه جناب حق رسول اکرم  
ونبی محترمی اولان حضرت محمد علیه الصلوٰۃ والسلامه انلرک عددینی  
ربم جل شانہ بیلور و ناسدن از کسه لر بیلورلر و اصحاب الکهف



ماده سنده اهن کتاب ایله دقلوجه مجادله ایتمه انجق ظاهرجه قرآن کریمده اولانی قرائت ایدوب انکله اکتفا ایله بیورلمشدر. غاردن معلومات الموقایسه کز شویله دیرمه غار ذکر اولنان طرسوسک شمال شرقیسنده واقع و طرسوسدن علی التخمین بیک زراع ارتفاعنده کائن اولان مذکور جبلک جنوب غربیسنده وشاهقک اوچوز ارشون اشاغیسنده ویریوزندن اون بش ذراع زمینده واقعدر قپوسی شرقه متوجهدر قپونک اوکنده خلقی قیالر وار مذکور قیالر اوزرنده غایت قدیم بر زیتون اغاجی وار قپو ایله قیا میاننده برارالق یولی وارکه اویولک توجهی قبله یه در قپودن دخولزده تحجر ایتمش برهیکل بولنور. فقط بوهیکل انسانه بکزه من مبسوط الرزاعین بر حیوان هیکله مشاهددر انی بر قاج بصماق ایله اشاغی ایندیکمزده وسعتلی بر میدان کوریرز میدان همان مدور الشکل دنیله بیلور بو میدانک شمال جهته دخی یردن ایکی ارشون قدر مرتفع بردک کوریلورکه همان بر بیوجک ادم استیعاب ایدر وغایتی مشهوددر.

میدانک اوکنده یعنی قبله یه متوجه جهته بر آدمی تماماً وقائماً قبول ایده جک بر قپو وار اوقپودن ایچرویه دخول ایدرز.

ارتق کتدکجه کیت ایچروسی غایت مظلوم بر یول بولنور بر ساعت ایلرو وهمده الجاغنه کیدنجه اباغکه رطوبت طوقور بونک منتهاسی معلوم دکل اومیدانک اوزری خلقی قیالی ودررون دیواری کل طور اقدندر.

ایشته خلاصه الخلاصه دقیانوس طرسوس ملکی وهمده بت پرست اولدینی حالدله اولوهیت دعواسنه صاپشمش واصحاب الکهف حضراتندن یلیخا مکسلینا مسلینا مرنوش دبرنوش حضرتلری دخی رجال دولتی وکفش ططیوس دخی عند الفرار یولده کندولره رفاقت ایدن چوبان وقطیر دخی ارقه لرندن اویان کلب ایش وبونلر اوچوز طقوز سنه اویقوده قالمش و صکره طرسوس اهالیسنک حشر وحشر مع الاجساد امر باهرینی منکرلر ایکن بونلره ای اوتانملر خالق کل شی اولان الله عظیم الشان آنک صحتدن سزه بر برهان قدرت کوسترمک ایچون ایشه اوقدر سنه در اویقوده بولنان اجسام لطیفه یی باقیکنرصل اویاندردی وحی اوله رق ایچلرندن بریسنی دخی یانکزه قدر نصل کوندردی دیک اوله رق بونلری اویقودن قالدیرمش وبوندن صکره دخی اهالی مرقومه نک اعتقادلرینی تصحیح ایله غارک بولندینی جبلک بر طرفه مسجد بنا ایتدیرمش اویله ایسه قیام ساعت ایچون کوکلرنده کفر طاشیانلره جواباً جمله من برلشهرک وبر آغزدن ( ان وعد الله حق وان الساعة لاریب فیها ) آیتی اوقویه رق تحقیقا الله عظیم الشانک وعدی حقدر وتحقیقا حشر مع الاجساد یعنی قیامت کوننده الله عظیم الشانک جمله مخلوقاتی مجسداً دیرلدوب میدان محشری انلر ایله طولدیره حق وبونده ریب وکان اولنمز دیه سربست سربست سویلیه لم.

معلومدرکه یوقروده برلوح بخی کچمش ایدی لوح مشایخ صوفیه قتده درتدر وانلره سند ( قال رسول الله علیه الصلوة والسلام



اول ما خلق الله النور ( و ) قال رسول الله اول ما خلق اللوح ( و ) قال رسول الله اول ما خلق الله القلم ( و ) قال رسول الله اول ما خلق الله العقل ( احادیث سنیه سی اولوب بناءً علیه لوح عقل کل و حقیقت محمدیه و قلم اعلا در و ام الكتاب در دیر لر و بوضو رته صحیح در دنیا به بیلور .

چونکه براهین ایله مثبتدرکه جناب خالق متعال حضرت لر ی هیج برشیئی خلق ایتمزدن اول کندی نورندن نور محمدی بی خلق ایتمدی اندن ارواح انبیائی و اندن دخی ارواح اولیائی و اندن ارواح مؤمنینی و اندن یری و کوی و جمله اشیا و ارواحی خلق ایتمدی و دیگر جهته دونهجه قال رسول الله علیه الصلوة والسلام اول ما خلق الله عقلی و نوری و روحی بیورمشدرکه بو بویه اولنجه لوح و قام اعلا بوکا متفرع اولور و مبتدای مخلوقات نور و روح و عقل محمدیدر و ایشته ارواح طیه نك مجموعنی طوبلارز محمد اولور و آیری آیری نشر ایدنجه انبیای سائر و اولیای موجوده و سالفه و مؤمنین لاحقه و سابقه و عرش و کرس و لوح و قلم اعلا اولور و اول ما خلق الله درة الیضاء دخی بوندن آیری و غیر ی دکدر سوز لوحه کلنجه لوحده هرشیئی ایچون بر موعده وار و مقدرات تا ازلدن آنده مقیددر و وقت حلول ایتمدکجه حکم ظهور ایتمز و الله تعالی حضرت لر ی دیلر سه مسطورات و موجودات و مقیداتی محو و نسخ و دیلر سه اثبات ایلر و ام الكتاب دخی عند الوهیتنددر و نته کم سورة رعدده بیورمشدر ( و ما کان لر رسول ان یأتی بأیه الا باذن الله لكل اجل کتاب یمحو الله ما یشاء و یثبت و عنده ام الكتاب )

ایات کریمه سی مفسرین نور الله قلوبهم حضرت اتی قول لر نخبه ( و ما کان لر رسول ) ای ماصح لر رسول و لم یکن فی وسعه ( ان یأتی بأیه ) ایات اللهدن بر آیت کتورمک ( الا باذن الله ) قابل دکل و وسع و اقتدار لر ی داخلنده دکل الا الله عظیم الشان حضرت لر ینک اذن و اجازت لر یله ( لكل اجل کتاب ) اوقاتدن هر وقت و ازماندن هر زمان ایچون کتاب وارددر و حکم ظاهر اولمز الا اول اجل موعود و مکتوبک حلولیله ظاهر اولور ( یمحو الله ما یشاء ) الله عظیم الشان کتاب اجلده مسطورده اولنلردن دیلر یکنی محو ایدر ( و یثبت ) و دیلر یکنی اثبات ایلر ( و عنده ام الكتاب ) زیرا ام الكتاب نزد الوهیتنددر .

ایمدی بو مفصلات و سائر اقاو یله بناءً لوح عقل کلده منقش اولان امورده من بعد تغیرات و تبدلات عارض اولمز ثانیاً لوح قدرکه نفس ناطقه کلیده در لوح اولده مجمل اولان امور بولوحده مفصلدر و بوکا لوح محفوظ دخی دیر لر ثالثاً لوح نفوس جزویة سماویة که بونده منقش اولان امور دخی ثابتدر رابعاً لوح هیولیدرکه قابل صورتدر بولوحه بو عالم شهادتده لوح محو و اثبات دخی دیر لر و قالب بشریت ایینه قلب سعادت و شقاوتدر بشر اکر لوح محفوظده سعید مقید اولدیه قالب طریق سعادتدن بشقیه متعازم و متحارک اولمز و اکر بشر لوح محفوظده شقاوت ایله تقید قلندی ایسه ینه قالب طریق شقاوتدن ایریله مز ایشته بو محکیاته ( السعید سعید فی بطن امه و الشقی شقی فی بطنه امه ) حدیث شریفه تماماً مطابقت



ایدر وبالاتفاق حضرت علیدن مرویدرکه کرم الله وجهه ورضی الله تعالی عنه بیوررلر ( قال رسول الله عليه الصلوة والسلام مامنکم من احد الا وقد کتب مقعده من النار ومقعده من الجنة قالوا افلا نتکل علی کتابک یا رسول الله قال اعملوا فکل ميسر لما خلق له ) یعنی هرکس خیردن وشردن ازله خلق اولدینی عملی موفق و مسهلدرکه اهل جنت ایسه سبب جنت اولان اعمال کندویه ميسر واسان اولور و اهل جهنم اولدیسسه موصل دوزخ ونیران اولان اعمال کندویه مسهل و ميسر در و بو حدیثی مفسر اوله رق حضرت علیه اکمن الصلوة والتحية افندمن حضر تلری طرفندن بیورلمشدرکه ( فاما من كان من اهل السعادة فسنيسر لعمل السعادة ومن كان من اهل الشقاوة فسنيسر لعمل الشقاوة ثم قرأ الآية فاما من اعطا والتقى وصدق بالحسنى وسنيسره للعسرى واما من بخل واستغنى وكذب بالحسنى وسنيسره للعسرى ) اما بوصورت ایچون برامر اعتبار مقید وارکه اوده عاقبتہ عأندر زیر ا چوق اولورکه اوائلنده ميسر و اوآخرنده معسر اولور وانك ایچوندرکه بواعتبار ( انما الاعمال بالخواتم ) ایله مقیددر فقط شوراسنی دخی عرض ایدیمکه بو جمعیت بشریه ایچنده ینه چوق کمنهلر وارکه دنیایه قد منهادة شهود اولدینی کوندن بدأ ایله خاتمة نفسه قدر سعیداً یشار و شوراسنی افاده ایلیهیمکه بعض اهل تحقیق افراد بشریه نی اقسام متعددهیه تقسیم ایدرک قسمک بریسی سعید یازلدى سعید طوغدى سعید یشادی سعید اولدى قسمک دیکری سعید یازلدى سعید طوغدى شقى یشادی شقى اولدى قسمک او بری سعید

یازلدى شقى بیودی و طوغدى سعید اولدى قسمک دها او بریسی شقى یازلدى شقى طوغدى شقى بیودی شقى اولدى دیشلردر لکن بوراده یوقروده کی لوح بختی مجمالاً او قویوب کچوبده ذاتاً تفصیلنه تفسیرینه مقتدر اوله میان قارئ بولنورده سؤال معترض ایله مادامکه سعید اصلندن سعید و شقى اصلندن شقى ایش بومرحله عالمده جریان ایدن ایام ایچنده ناس ایچون وسائط اهتدائیة البته مفقوددر دیه سویلینلر اولور ایسه خیر اوراسیده او یله دکل شویله درکه حضرت رسول اکرم ونبی محترم علیه الصلوة والسلام افندمن حدیث شریفنده ( مامن مولود الاوقدیولد علی فطرة الاسلام ثم ابواه یهودانه ویحجسانه وینصرانه ) یعنی مولوددن هیچ بریسی طوغدى الا فطرة اسلامیه اوزره طوغدى صکره بابالری انلری یهودی و مجوسی و نصارا قلدیلر بیورمشدر و نظر صحیح و قلب سلیم ار بابنه خفی اولمدینی اوزره معلوم انامدرکه جناب خالق متعال تنزهت ذاته عن الظلم والنکال حضرت تلری اگرچه جنت وجهنمی خلق وابداع ایش ایسه ده مخلوقاتی ضلالت کفر ایچنده بولندیر مامق اوزره صورت و خلقتی فطرة اسلامیه اوزرینه مختص قلمش و یوقروده دخی سویلدی کمز کی ذات الوهیتی بیلمک وطانیمق ایچون ابنای بشره هیچ زورلق کوسترمامشدر اما نه چاره که افراد خلائقندن بعضیلری بابامزدن بویله کوردک ماتمن بزى طعن و تشنیع ایدرلر دیهرک بهانه غیر مشروع ایله حق بیلمامک وطانیمق ایسترلر ایسه بوده خلقت ایجابندنی دیرز البته دیه میز زیر بابالر یوکسک یره چتسه لرده اولدلرینی اورایه



چاغر هرق اشته او غلم بن بورادن کنیدی زیر زمینه اته جغم سن  
 دخی بکا تبعیت ایله دوشه جکم یره آتل بن نصل اولور یعنی  
 تسلیم روح ایدر ایسم سندخی ایله دیسه بویله بر بابایه اطاعت  
 جائز می شبه اولنمز که جائز دکل وسوره بقره ده مسطور ( ان الذین  
 کفروا سواء علیهم الانذرتهم ام لم تنذرهم لایؤمنون ختم الله علی  
 قلوبهم وعلی سمعهم وعلی ابصارهم غشاوة ) آیات کریمه سی موجب نه  
 جناب حقک علم اذلیسی بوارباب شقاوتک شقاوت مستمره اصحابی  
 اوله جقلرینی وانلرک استماع حقیقتدن قولاقلری واطمئنانده  
 قیلری مختوم اولدیغنی وکوزلری دخی غشاوه ایله پردملی بولندیغنی  
 علی وجه التحقیق رسول اکرم نه خبر ویردیکی دخی بوراده  
 بر مثال مطلق و محقق دیرز ونه کم شیطانک دخی امر الهی یه  
 مغایرت و کبر و عناده متابعتله ادم علیه السلامه سجده دن ابا  
 ایده جکنی بلدیکی حالده ینه شیطانه سجده امرینی ویردیکی کبی  
 بواهل شقاوتی دخی فطره اسلامیه اوزره خلق ایتشدیر فقط  
 اول یچاره لر دنیا یه کلنجه بوصورتدن مدرک اولمیه رقی آتفاً بیان  
 ایتدی کمز کبی ( نحن وجدنا ابا ننا ) ایله متکلم اولوب یوم ندامته  
 قدر اولیه کیدر لر وینه بر قسم آدم لر الله و یوم اخرته ایمان ایلدک  
 دیهرک استعید بالله کویا الله خدیعه ایدر لر حالبوکه انلر دخی  
 مؤمن دکلر در و خداع مؤلفه لری الله دکل کندی نفسلرینه  
 عائد و راجع در و قیلر نده مرض شیطانیه واردر که انلر دخی  
 بو حالده دوام ایتدکجه جناب حق مرضلرینی تزید و غراب  
 الیمنه مظهر قیلر اشته آنلر مکذبدر و حتی اعمال فسادیه ایله

ساعی اولور لرده ینه ندر بوفساد دیه سؤال ایدنلره بز ارباب  
 صلاح دتزدیهرک اوتانمدن سوز سو یلر لر بونلرک احوالنی دخی  
 سوره مذکورده مقلد اولان ( ومن الناس من یقول آمنا بالله  
 وبالیوم الاخر وما هم بمؤمنین یخادعون الله والذین آمنوا وما یخدعون  
 الا انفسهم وما یشعرون فی قلوبهم مرض فزادهم الله مرضاً ولهم  
 عذاب الیم بما کانوا یکنذبون انما نحن مصلحون الا انهم هم المفسدون  
 ولا کن لایشعرون ) آیات کریمه سی تماماً تبیین و توضیح ایدر و بناءً  
 علیه اشته انلره دخی بوا حکام اعتباریه باقیق و اوز مرده داخل  
 اولمقدن وبالوجود انلرک افعالی سو و بنده عباداتی خلق بنی کورسون  
 و مصلی ظن ایلسون دیه ریب وریا ایله ایفا ایتمکدن وهله  
 وحدانیت الهیه بی اقرارده قلبده اثر انکار و یا خود عجبیا کبی ظنون  
 طاشیمقدن قطعیا اجتناب لازمدر شمدی شو تفصیلدن براز  
 فارغ اوله رقی دیرمکه بمنه الکریم بز یعنی مسلمانلر اوشقی اوله رقی  
 لوح محفوظده مقلد اولنلر دن دکلر الحمد لله والشکر علی هدایه  
 الرحمن وعلی توفیق الایمان سعیدلر ز و باقیکنز قرآن کریمده اسملری  
 مذکور اولان انبیای عظام علیهم السلام حضراتی سوره بقره نک  
 اواخرنده مندرج اولان ( امن الرسول بما انزل الیه من ربه  
 والمؤمنون کل آمن بالله وملائکته وکتابه ورساله لانفرق بین  
 احد من رساله ) حکم عالیمسنجه بلا تفریق ولا تغیر سافدن خلفه  
 تصدیق ایدر یورز .

ایشکده می یوق بو دنیا ده ایللر کبی بر طاقم اموال خبیثه مالکیت  
 اعتباریه کردان قره قره سفاهتله حکم سورده مدیکمزده تأسف



ایتمیه رک فی آخر الامر سعادت ایله صالنه صالنه مغبوطی اوله اوله  
 اللهک جنته جمالنه مظهر اولورزیا امان ایمانزه کمالیه رعایت  
 ایدرک وطریق حقندن اوزکهکی ارزو ایلیمیه رک شویله یوزلر یمیزی  
 طهارت صوبی ایله پارلادوب دیلر یمیزی دخی ازکار واوراد  
 سبحانیه ایله مظهر عزوبت ایلیم ایشته براغوردن نماز قله لم  
 اورج طوته لم نفسله مجاهده ایده ایده حقه دها زیاده یقیناشه رک  
 ترفیع مراتب ایلیم الله ایچون دوشونکر سزده بولورسکر قرآن  
 کریم کی برکتاب واری و دین محمدی کی بر دین دها بولورمی  
 الحمد لله الحمد لله اودین نصل موضح وایاری اسکاته نقدر  
 بر اهین قاطعه و مقنعه بی جامع ایشته سائر ادیان اصحابی دخی  
 ایستلر ایسه محاکمه ایلسونلرده درجه حقیقتی بولسونلر نه بز  
 دینمک قدر و قیمتی بیلورز ونصیحت دخی محتاج دکلز فقط  
 کنیدی طوته مدمده سویله یورم چونکه کتب دینه اوقبولندجه  
 انسانه بر بشقه لذت و یردیور انسانی و حقیقی مسرته مستغرق  
 ایددیور بنده اولدت و اومسرتی قلم طوتان پر مقلرمده طاتسون  
 دیه بوقدر جق اولسون یازی و یردم ان شالله ارهیه سوز  
 قارشدر دینمندن طولایی خطا ایتدم دوروشه لم ینه بحثه مفصلات  
 مبسوطه دن صکره بوراسیده بویله درکه معاز ابن جبل حضر تلی  
 بر کون بر کمنه نک حضور حضرت رسول اکرم ونبی محترمه  
 کلوب یا رسول الله دودمک زانوسنی باغله یوب حفظنده احتیاط  
 قله یممی یوخسه مطلق العنان قویو یروب خدای متعال حضر تلی ینه  
 توکل ایلیم یممی دیه سویلمسی اوزرینه مشار ایله حضر تلی ینک دخی

( اعقل بعیرک ثم توکل علی الله ) یعنی دودمک باغله اندن صکره  
 جناب حافظ اولان الله عظیم الشانه توکل ایله یعنی جهد واهتمام ایله  
 توکلی جمع ایله و مجرد توکل قلوب جهدی و جهد واهتمام ایدوب  
 توکلی ترک ایلنه بیوردقلر ینی روایت بیورمشلر واحمد و ابو داود  
 ابو هریردن و ابن ماجه ابن عمر دن شو حدیث شریفی روایت  
 ایدرلرده دیرلرکه ( قال علیه السلام دع الحذر فان الحذر لا یغنی  
 عن القدر ) المقدر کائن وجف القلم بما هو کائن ( دیشلر ) وانا  
 کل شیء خلقناه بقدر ( وکل شیء فعلوه فی الزبر ) شو آیات قرآنیه  
 ومفردات احادیث و بونلره بکزر دها چوق آیات و بینات و روایات  
 و مقیدات اعتبارلرنجه مقدرات سبحانیه نافذ و عبدک افعالی دخی  
 اسباب ظاهره در و توکل و تقیددن هر بری ایری ایری اراده  
 سبحانیه در انک ایچون مقدرات سبحانیه نه ایسه انی کور مملک و بولمقلق  
 مقرر در بناء علیه بنم فعلم لوازم اموردن دکل دینار و مقدراتی  
 انکار ایدوبده هم توکلی ترک ایلسانلر مبدع کائنات اولان رب  
 العزتک حکمه معارضه وانکله مقابله ایدرک زخم قهره مستحق  
 اولورلر و بویله اولنجه دیمک اولورکه عبدک بو دنیاده ایشلیه جکی  
 ایشلر قطع ایده جکی مراتب هب مقدر هب لوح محفوظده  
 مقیددر والله عظیم الشانده اراده کلیه و عبده اراده جزویه وار  
 و حادثات ( ذلك تقدير العزيز العليم ) ده داخل و افعال ظاهره  
 عبد و ساطتیه حادثدر و دیگر جهته دونه ابنای ادم ( کنت  
 کنزاً مخفياً فاحییت ان اعرف فخلقت الخلق ) حدیث قدسی الهی  
 موجبنجه الله عظیم الشان کندولری طرفندن بیلنمک مراد



ایدیله رک مخلوقاتى خلق ایتمشدرکه شوحديث قدسى ( یا ابن ادم خلقتک لاجلى و خلقت الاشياء لاجلك ) موجبنجه بشر لاجل الله واشياء لاجل الانسان مخلوقدر و بناءً علیه ( الست برکم ) خطاب قدر تمأبى شرف صدور و سنوح بیورلدیغی وقت مراتب بشریه دخی تعیین و توضیح بیورلدیغی عباس ابن عطانک ( ادنى مراتب المرسلین اعلی مراتب النبیین و ادنى مراتب النبیین اعلی مراتب الصدیقین و ادنى مراتب الصدیقین اعلی مراتب المؤمنین و قس على هذا سائر الانسان ) یغنى مراتب مرسلینک ادناسی مراتب نبیینک اعلاسی و مراتب نبیینک ادناسی مراتب صدیقینک اعلاسی و مراتب صدیقینک ادناسی مراتب مؤمنینک اعلاسی قولنجه مؤمنین ایله کافرین و موافقین ایله منافقین و صادقین ایله کاذبین بینلرنده دخی مرتبه جه فزق عظیم وارد و مایستوی الاعمى والبصیر و لا الظلمات و لا النور و لا الظل و لا الحرور و مایستوی الاحیاء و لا الاموات و مایستوی البحران هذا عزب فراه و هذا مسلح اجاج و هل یستوی الذین یعلمون و الذین لا یعلمون و افمن یمشى على وجه اهدى ام من یمشى سویاً على صراط مستقیم و ام نجعل الذین امنوا و عمل الصالحات کالمفسدین فی الارض ام نجعل المتقین کالفجار ایات صادق الینات سبحانیه اقتضاسنجه کورلر یغنى سامعه ظاهریه سی قبالی اولو بده شونی بونی و سامعه باطنیه سی قبالی اولو بده موعظه دینیہ نی استماع شانندن اولمیانلر ایله اولنلر وینه بوصورتله کوزسز اولنلر ایله اولمیانلر و اهل ذکر اولمیانلر ایله اهل ذکر اولنلر وینه بونوعین اوزرینه مبنی اوله رق

نورایله ظلمات و ظل ایله حرور و دریلر ایله اولورلر و بویکی فرق اوزرینه اولمق اوزره بحر عزب ایله بحر اجاج و دیگر قسم اولمق اعتبار یله عالم ایله جاهل وینه دیگر قسم اولمق اوزره مهتدی ایله مضل و صالح ایله فاسد میاننده درجات مستوی اولیوب بونلرک مستحسنلری مرتبه علیایه مظهر و فاحشلری دخی درجه ادانیده مستقرلردر و ایشته انسان اولیوم محمودده کمیت استعدادلرینه کوره مرتبه بولمشلردر و بوقسمت بلااستحقاق دکلد و بوداردنیا دارالامتحان دخی اعتبار اوله بیلورکه بوراده وقوعات ظاهریه و اشیای مبدعه برقاتدها بالین و المنظر مشاهده اوله و کتب منزل و اهل ذکر یغنى اهل توحید کوریلر کوریلر ادراک حقیقت وارد و اکدن صکره اهتدا و بعدالاهتدا ثواب اخرتی استدا و بعدالاستدا مظهریت مستحیل دکلد.

بوراسنی ایوجه بیلملی که جناب خالق متعال ( تبارک الذی بیده الملك و هو على کل شیء قدير ) حضرتلری بوعالم اجسادى مرحله بهایم اعتباریلر دکل مزرعه اخرت اولمق اوزره خلق و ایجاد بیوردی و یوقروده ببار اتمایان ایدیلاان حدیث شریفک بیلدیردیکی اوزره مولوددن هیچ بریسنی کفرله دکل اسلام ایله مفطور قلدی.

انسانک کوزی کوردکل آباباسنک اناسنک اهل ضلالت ایسه مذهب مضلنه زاهب اوله جفنه یغنى آحق سویلیهیم باقدیکی باباسی اناسی کافر انلر طریقنه زاهب اوله جفنه رشدی تین ایدنجه طوغری یولی بولسون اکا کیتسون زیرا ( قدین الرشید من النبی فمن یفکر



بالتاغوت) یعنی تحقیقا رشدتین و متمیز اولدی ضلالت و غواتیدن و ایمان کفر دن و حق باطلدن دلائل واضحه و براهین قاطعه ایله تفریق و استفهام اولندی اندن صکره هر کسه کافر اوله طاغوته یعنی شیطان و یا ضامه و یا خود نفسه تابع اوله اول کمنه وصلت حقیقتدن محروم اولور لفظ طاغوت مصدر در ملکوت کبی جمعه و بره اطلاق اولور ( و یؤمن بالله ) و شول کسه که موحد و مؤمن اولدی ( فقد استمسک ) امدی تحقیقا اول کمنه تثبت و استمساک ابتد ( بالعروة الوثقی ) جبل وثیقه و سبب میتة ( لا انفصام لها ) اوله عرو و وثقا که اکا انفصام یوقدر ( والله سمیع علیم ) الله تالی حضرتلری هر کسک اقوالی سمیع و هر کسک احوالی علیمدر .

اوینه واقف اوله رق هیچ اولمز ایسه ایسته یاری یول اولان بودنیاده اولسون لج و عنادی براغوبده توحید ذاته مطمئن اولسون و حکم قرآنی قانون مستطاع بالله رک حضرت محمدک حق پیغمبر اولدیغنی قرآنک اراده و تبلیغاتی شهادت قلبیه ایله طانیسون باقکر سورة اعرافده حضرت حق ( ولقد زرانا ) تحقیقا بزخلق ایلدک ( لجهنم ) جهنم ایچون ( کثیراً من الجن والانس ) جن و انسدن چوق کمنه لری حکم ازلی بونلرک شقاوتنده مقدر اولمشدر ( لهم قلوب لا یفقهونه بها ) بونلرک قلبلری واردر لکن توحید و معرفتی ادراک ایتمز ( ولهم اعین لا یبصرون بها ) و بونلرک کوزلری واردر لکن اثار صنع حق و قدرت و قوت وجود مطلق انکله کور مزلر ( اولئک ) بوکروه ( کالانعام ) بهایم و دواب

کیدرلر ( بل هم اضل ) بلکه بوکروه ضلالت انجام بهایم و انعامدن اصلدر ( اولئک هم الغافلون ) بوجماعت بر ضلالت غافلدر در بیوریور که بوندن تنبه اقتضایدر و برشی دهاوار که الله رحیمدر اگر چه بنم عبادت و طاعتم یوق ایسه ده سیأتی حسنات ایلر و خطالری می مغفرتله یار لغار دیوبده کچهنک درت او جنی صویه براغوب شهاوات شیطانیه به انهمک ایله ( وما یعدهم الشیطان الا غرورا ) زمره سنه داخل اولمالی واقعه الله عظیم الشان مغفرت تا کریسی براولو سلطاندر ید قدرتیله قولک ذنبی معفو و مستور قلاز فقط اوله دوپه دوز کدشله دکل زیرا عدالت اجر ایله عبدک مظهر مجازات اولمی و برجه خردل قدر سیأتدن دخی مسئول اولمی نصوص قرآنیله ایله ثابتدر و ذکر اولسان آیت حکمنجه اوکی اشخاص شیطان و نفس پر عصیان اغفالاتیله بلا عمل تسویف و تسویل اولنور و ایسته شیطان انسانی اللهک رحمتنه مغرور ایلر و آنک ایچوندر که یوقروده تعداد ایدیلان مراتبی یعنی نامرتبه صدیقی احراز ایچون انسان اولا مؤمن اولوب صکره زاهد صکره صدیق اولمق لازمدر و تکالیف شرعی بهایم ایچون دکل ایسته مؤمنین و مؤمنات ایچوندر و معلومدر که بهایم تکالیف شرعیه دن وارسته درلر و اهل کفر و ضلالت دخی احکام شرعی به مطیع اولمز زیرا اولا وحدانیت الهیهی قبول ایتمامشدر در که مرتبه ثانیه ده شریعت غرایبی و آنک ایجاباتندن اولان اعمال حسنه بی قبول ایلسونلر بیلور سکر آ الله عظیم الشانی قطعاً انکار ایدنلره کافر و الله ایکیدر دینلره مشرک و الله عظیم الشانه خلاف



الوہیت احوال وحفت اسنادایدنلرہ اہل فساددیرلر ( ان اللہ بری من المشرکین ورسولہ ) حکمنجہ جناب خالق متعال ورسول اکرمی مشرکلردن بریدر ( الا انہم ہم المفسدون ولكن لا يشعرون ) مقتضاسنجہ اہل فساد ارباب شعور وهدایتدن دکالردرو ( ملعنة الله على الكافرين ) ایجابنجہ اہل کفر وضلالت دخی شیطان کبی مستحق لعنت اولمشلردر وبونلرک مجموعی ( اولئك الذين النشروا الضلالة بالهدى فاربحت تجارتهم وما كانوا مهتدين ) ایت کریمہ سی موجبنجہ اہتدا ایتیمجی وضلالتلری سبیلہ نفع ہدایت کورمیجیلردر .

فقط اللہ عظیم الشان بونلری تایوم ندامتہ قدرینہ رسل کرام وانیای عظامی وساطتلیلہ تبلیغات وتادیباتدن واهل ایمان شہادتلیلہ ابراز سبل رشاددن خالی براقرز وکندولرہ یاربی سن بزہ طریق ہدایتی کوسترمدمکی مہتدی اولہ ایدک دیمہلرینہ بروسیلہ مقبولہ یاری قلمز وعلى الاطلاق ابنای بشرہ قرآن کریمندہ ( یاایہاالناس اعبدو ربکم الذی خلقکم والذین من قبلکم لعلکم تتقون ) ایت کریمہ سیلہ ای انسانلر سزی وحصول اتفاقکر ایچون اقدام سالفہی خلق ایدن وربوبیت شانندن اولان بن اللہ عظیم الشانہ عبادت ایدیکزدیہ امروریمشدر و ( الذی جعل لکم الارض فراشا والسماء بناءً وانزل من السماء ماءً فاخرج به من الثمرات رزقاً لکم فلا تجعلوا لله اندادا واتم تعلمون وانکنتم فی ریب مما نزلنا علی عبدنا فاتوا بسورة من مثله وادعوا شهداءکم من دون الله ان کنتم صادقین او الوہیت شانندن اولان

وسزہ عبادت امرینی ویرن خالق لیس سواد سزک ایچون ارضی مفروش وسمایی منی قلدی وسمایہ قوہ نازلہ وارضہ قوہ نابتہ احسان ایتدی .

ایشته کوریور وبلیورسکزکہ نفقہ یومیہ وارزاق مقدرہ کز سہادن نازل اولان صویک ویردموجوداولان قوہ نابتہ نک امتزاجیلہ حاصل اولہ یور بونلر دخی اللہ انداد ایتماکز ایچوندر اگر بوصورتہ عائد اولمق اوزرہ کوکلکزدہ ریب وکان واریسہ یعنی بوقوای معدودہ نک خالق اللہ اولدیغہ شہہ ایدرایسہ کز بوندن برمثل دخی سز خلق ایدیکز ووحدانیتہ مقرر ومعترف اولنلری دون اللہ دعوت ایدیکز اگر صادق اولور ايسہ کز بیوردی کہ اجرام سماویہ وطبقات وافشارا رضیہ بشقہ خالق ارامق ویاخود بونلر طبعیدر ابدیدر وازلیدر دیمک قابل اولمز اما طبعیون وار ایش وارسون اولسون شوالدہ وموجودک بر خالقہ احتیاجی میداندہ ایکن بن انلرک شویلہ سنی بویلہ سنی دیکلرمی یم یالبتہ دیکلہ مم چونکہ الحمد للہ بزکہ مسلما نز حقیقتدہ مؤمنز ومادامکہ اللہی بیلورز قید قرآنہ خلافتدہ سوز دیکلہ میز ومادامکہ قید قرآنہ خلافتدہ سوز دیکلہ میز ارتق طبعیون بزہ قارشو نہ دیمک اولور ومادام انلر بزجہ یعنی انلرک قوللری بزجہ نظر اعتباردہ دکلدر سوزلرینی دیکلہ میز وانلرہ سز کندی علمکزلہ عامل اولوکز لکن یکیت ايسہ کز سوز یکزی اثبات ایچون یوقرودہ کی قرآن کریم حکمنہ توفیقاً بر برہان کوستریکز دیرز .

اقدام بزده دنیانک بعض طرفلرینی کوردک وکورمدیکمز یرلرک



ادمیرنی کوردرک کورمش کی اولدق سمایی یر یوزنده بولسان وقوة عقلیه سی طوتالمکه بزم کی دکده دها یوکسک فقط بزم کی یر ایچر بر آدم نه درلو اولورایسه اولسون سمانک ایچروسنی طیشاروسنی کشف اید بیلورمی اولسه اولسه سمانک اوزریمزده کی طبقه سنی الات وادوات دلالتیه کوزدن دها زیاده کوره بیلسون اوقدر سویلمک طورر ایکن ایشک ایلروسنه وهمده بدایع فروشلغه قالشمالمی یا بکا قالور ایسه بوکی علومه بوکی اقدامه جان حقیقه اینانام و اودالات ایله طوغری یولدن صایام چونکه بولر ایله اعتقادی بوزمق خسران اخرتی استلزام ایلر وانسان اوملکدن چقار اشب مخلوقدر مخلوقده کی قوت خلقیه متناسب اولور تأثیرات غیر مراد بها اندن انتظار اولنه مز.

زیرا معلومدرکه انسانی جناب حق خلق وابداع بیورنجه ذات الوهیتی بیلیمک وتکوین اشیاده کی صنعت ربانیه سنی عالم اولمق ایچسون ای قوللرم سزی بن یوقدن وار ایتدم ارتق ذمام اختیاریکز قطعاً الیکزده در بیورک دنیایی طولاشکنز هر بریکز کندی استطلاعات فکریه کزه تابعیت اعتباریه بر درلو صورت بیان ایدیکز دیه امر ایتدی.

انجق انسان بحق عالم اولمق ایچون کتابلر کوندردی و او کتابلرک مندرجاتی تبلیغ ضمنتده پیغمبرلر ارسال ایتدی ودها قولای وصول مقصدیه رسل کرامنی تبلیغاته مأمور ایتدی کی قومک لسانی اوزره ناطق قلدی و بناءً علی ذلک کتب منزله ده بن شان ربوبیتی حائز اولان الله صانع بی امتانه نطق طبیعت ذاتیه سندن

بولنان وبشر اطلاق اولسان اشخاص بدایتی طینندن وبالاخره من و ترابدن ایجاد وخلق ایتدم و حیوانات سائرمنک بعضلرینی ریاضدن و بعضلرینی صودن و بعضلرینی بمنه الکرم بوجله نک فقرات آتیه سنده عرض وارانیه ایده جکمز وجهله سائر شیدن ایجاد و اختراع ایتدم بیوردی اولیه اولنجه انسانی ترتب ایدن وظیفه حکمنجه انسان کندوسنی الله خالق ایتدی کی مقرر اولدنی حالده ارضک سمانک کیفیت و کمیتته عائد علم صریح و صمیمی دخی قرآن عظیم الشانندن اره ملی بولمی اوقوملی اینانملی شونک بونک سوزینه ایناناملی چونکه کتب منزله خلافتده لاقردی بی اعتبار ایله کندولرینه مزیت و یرمک داعیه سنده بولنه جق اشخاص عاقبت امرده سویلدکلری لقریدن محجوب اولوب یوم ندامتده الله جلیل الشانه ای بزم پروردکارمن تحقیقا سن جمیع اشیایه قادر سک مغفرت اوزار و اتمام انوار قبضه اقتدار کده در و هر فعلی عالمسک بزندیاده بولندیغمز زمان برطاقم موارد الفاظ ایله اوامر الهیهک خلافتده بولندق وتسویلات نفسانیه مزی دائرة اعتبارده کوردرک واکا تابع اوله رق مصنوعات سبحانیه کی حکمه اراده باهره ربانیهک مغایرنده تلقی ایتدک بزه مغفرت ایدوب خطالریزی عفو ایله دیه جکلر ولکن انبیاء عظام و رسول کرام حضراتی ( یوم لایحزی الله النبی ) یوم قیامتده الله تعالی حضرتلری پیغمبرنی خجل و رسوای قیلمز ( والذین آمنوا معه ) معطوفدر نبی اوزره دخی انلریده خجل ایتمز که ایمان کوردیلر ( نور هم یسعی بین ایدیهم و بایمانهم ) یعنی بومؤمنلرک نوری اوکلرنده و صاغ یانلرنده



صراط اوزره سعی ایلله آیات کریمه سیله ممدو حدر و ایمان ایدنلر  
 دخی بوصورتله مبشر در اوله اولنجه ظهور معاده ندامت  
 ایده جک برطام اشخاصک سوزینه اینامقندن البته انبیای عظامه  
 مؤمن اولمنی ده ااقوی واولی اولمنین عاجز یکنر دخی راست  
 و درست اولمق ونور هدایتله حقه مستقیم وسالم کیده بیلیمک  
 اوزره استعداد جلیسنی موعظه خطابه لایق کورن اخوانه ( انازینا  
 السماء الدنيا بزینة الکواکب ) و ( ایلهم اللیل نسلح منه النهار  
 فاذا هم مظلّمون ) و ( والشمس تجری لمستقر لها ذلك تقدير  
 العزيز العليم والقمر قدرناه منازل حتی عادک العرجون القديم  
 لا الشمس یبغی لها ان تدرك القمر واللیل سابق النهار وکل فی فلك  
 یسبحون ) و ( یولج اللیل فی النهار و یولج النهار فی اللیل و سیخر  
 الشمس والقمر کل یجرى لاجل مسمى ) و ( ان الله یعلم  
 ما یدعون من دونه من شیء وهو العزيز الحکیم وتلك الامثال نضربها  
 للناس وما یعقلها الا العالمون خلق الله السموات والارض بالحق  
 ان فی ذلك لآیة للمؤمنین ) و ( خلق السموات والارض وما بینها  
 فی ستة ايام ثم استوی علی العرش ) و ( لقد خلقنا فوقکم سبع  
 طرائق وما کنا عن الخلق غافلین ) ایتدی بوراده کوستردک ودها  
 بونلردن بشقه نیجه آیات کریمه لر دلالت ایتدیکنی عرض وافاده  
 ایلهرک دیرمهک سما وارضی بیلیمک ایستیانلر سمانک برووجود  
 اولمدیغنی سو یلمیوب فکرینی اقوال صحیحی قائل اولهرق جناب  
 حق هرشیئه برظاهر برباطن خلق ایتدیکی کبی ینه هرشیئی  
 زوجین اثنین اولهرق ایجاد واختراع بیوردی وسماهی مبنیات

بیمینه وجود محض ایجاد ایلدی یعنی سما وار ومحض وجود در  
 ویدی طبقهیه منقسمدر وزینت کواکب ایلهمزیندر وکیجه  
 براتیدر ونهار اندن منسلخ ولیل مظلم نهار منوردر وشمس  
 ایچون کندی دائره سنده استقرار صورتیه جریان ایتک واردر  
 واورده تقدیرالغریز العلیمدر وقر منازلهمقدر بیورلمشدر وقر  
 آری شمس آری ونجوم آری وبونلرک مجموعی مخلوقات  
 ومصنوعات سبحانیه دندر وهر برینه وظیفه تقدیر اولنمشدر  
 و جمله سنی بالاتفاق مؤمنلر ایچون آیت وبرهان قدرت وعظمتدر  
 کواکب بزم اوزریمزده یر التمزده در وجناب صانع بی امتنان بونلرک  
 جمله سنی الی کونده یوقدن وار ایتدی والله عظیم بونلری بو  
 صورتله خلق و ایجاد ایلله قدرت بالغه سبحانیه سنی ارأه ایتدیکی  
 حالده ینه انساندن جمله سنی دکل الا عالملر تعقل ایددیور وعالملرک  
 غیری هر بری برصورت توجیه ایلله شاشوب اورته ده قالیورلر  
 امان اللهم سن بنی قرآن کریمک مندرجاتی عالم و ایجاباتیه عامل ایلله  
 ایشته کوریورمهک سن شان الوهیت صاحبی شمس ( لا الشمس  
 یبغی لها ان تدرك القمر ) ولیل ( ولا اللیل سابق النهار ) الفاظیه  
 قائم قلوب بونلرک هر ایکیسنی دخی ( وکل فی فلك یسبحون )  
 جمله سیله تعریف وتوصیف بیوردک وکل قدرت وجلالتکله ( ان  
 الله یعلم ما تدعون من دونه من شیء وهو العزيز الحکیم ) یعنی  
 عزیز و حکیم اولان بن الله عظیم تحقیقا اخلافه ادعا اولنانی  
 بیلورم وعلم مطلق ذاتمدن آری وغیری دکلدر بیوردککه ایشته



بن سنك دونكده اولان اشیادن هر نه ایستیه جك اولسه خاطییم  
 انك ایچون مینات قرآنیه که هر حال و قالده تابع و مؤمنم افراد  
 مخلوقاتك خلاف قرآن سویلدکری سوزلره قائل دکلم دیمه لی  
 وعقایدہ دائر اولان و مصنوعات سبحانیه و قوف لازمکلان هر  
 مسائلده کتب مدونه شرعیه به مراجعت لزوم صریح و صحیحینی  
 بیلملی و شریعت غبرای احمدیه به مغایر اوله رق سوز سویله بیان  
 آدملره اقدام سز اوله کشفیات بیاننه صو استمزدن مقدم  
 وجودیکزک متمماتندن روح ندر و عقل نه کیفیتز سویله یکزده  
 بو سوز موافق حقیقت اوله بیلدیکنی درایتی کفایتی اولنلره  
 تصدیق استدیریکزده اندن سمانك عدمنه عائد مقالات کشفیه کز  
 موجب استماع اولسون دیمه لی و فقط بو محکیات اوزرینه علم  
 طبقات الارض و اکا مثال اولان فنونی اوقو ماملی دیورم ظن  
 ایتما ملی انجق انلری اوقویوب بله ملیده اعتقادات قلبیه ایله قائل  
 اولما ملی چونکه مصدر قال و قیل قلب دکل لساندر و قلب روابط  
 محموده ایله مینات قرآنیه به تابع و مربوط اولور ایسه حضرت نبی  
 علیه السلامک ابو هر یرهدن استماع صورتیله ابو سعید منصور  
 و ابن ماجه دن مروی اولان ( ان الله لا ينظر الى صوركم ولا الى  
 اعمالكم بل ينظر الى قلوبكم و نياتكم ) حدیث شریفلری  
 حکمنجه انسان دائره سلامتده قالور .

معلومدرکه حضرت مشار الیهبک ( ان فی جسد ابن ادم لمضغه )  
 حدیث شریفلری مقتضاسنجه ابن ادمك جمعیستك جسدی ایجره  
 صنوبری الشکل لحم پاره سندن بر قلب واردور .

بو قلب صفای نورانی ایله مصفا اولمش ایسه اول قلب ابی یزید بسطامی  
 حضرت تلزینك ( ان العرش وما حواه اذا وضع فی ذوا یا قلب  
 العارف لایحس به ) قوی موجبجه معهود دل عرشك اوستنده  
 اولمق صور اعتبار یسنی حائر اولوب عرش و ما فیها بر کوشه سنه  
 قونلسه غائب اولور مریتنی حائر بولنور اما هر کوردیکنی  
 و ایستدیکنی اعتقاده لایق و عماله مستحق اعتبار ایدر ایسه انك  
 قلبی بشقه مزیات مسعوده بی دکل ایسته انجق لحم پاره سی اعتبارینی  
 حامل اولوب مرتبه ادناده قالور و بونلر ایچون علیه الصلاة والسلام  
 اقدامز حضرت تلزینك ( من غلب عقله شهوته فهو اعلی من الملائكة  
 و من غلب شهوته عقله فهو ادنی من البهائم ) حدیث شریفلری  
 اوقنور خلاصه قلب اللهمك امرندن خارج و نهینده داخل اولان  
 شیلره صاریلور و نفس اماره ایله اشتراك ایدرك بولندینی دائره  
 وجودی افساد ایدر ایسه اکا قارشو بیان تأسف اولنهرق  
 ( ما وسعنی ارضی و لا سمائی و لكن وسعنی قلب المؤمن التقی التقی  
 الوراع ) عباراتی شامل بولنان حدیث قدسی موجبجه ایسته  
 باقیکز خلاق متعال رزاق لایزال صانع بی مثال الله عظیم بن  
 ذات الوهیت و ربوبیتی بر و كوك صغمدی لكن تقی و تقی و راع  
 اولان مؤمنك قلبی صغمدی بیوره یورکه ای فرائض الهیه بی حقیقه  
 و تمامیه ایفا ایتیموب و جناب محیی موجوداتی ایمان حقیقه بیلمیوبده  
 کائنات ایچنده انعامدن و بهایم سائرده دن فرقی اولمیان فکر سقیم  
 و قلب غیر مستقیم اصحابی سزه بونحدیث سنیه دن حصه یوقدره  
 بونحدیث سنیه ده مندرج بشارت صحیحجه بر آن و دقیققه ذکرندن



الله چقمیوب دائماً بین الخوف والرجا ایمان حقیقه ایمان دائره سنده  
بولنوب فرائض الهیهی ایفا وحلال وطیه سالک ومحرماتدن  
محنتب اولان ذوات پاک ایچوندکه اکر سزده بووبوکا بکزرودها  
بوندن عالی مزیتلره مظهریت آرزوایدرا یسه کز بونقطه مهمه دن  
ایرلیه رق دائره تقواده بولنکزدیه کندولره وعظ ونصیحت  
ایراد ایدیلور معلوم ارباب فضائلدرکه .

﴿ بیت ﴾

دل بدست اورکه حج اکبرست  
از هزاران کعبه یکدل به ترست

کعبه یناد خلیل از رست  
دل نظر گاه جلیل اکبرست

بیتده شاعر مسعدت مظاهر حضر تیری بیورر لر کوکلی اله الک  
حج اکبر ایتیش صاییلور سک زیرا ایو کوکل بیک کعبه دن ایودرا کر چه  
کعبه خلیل ابن از رک منشأ تندن ایسه دل جلالت و کبریا شانندن  
اولان الله متعال حضر تیرینک نظر کاهیدر .

چونکه باقیکنز وجبوده توجه ایده جک هر درلو سعادت و کمال  
و کرامت کوکلک درجه صفوتیه حاصل اولور بناء علیه سوزی  
اوزاتیور ایسه مده قصوره باقیکنز ایسته کوکل درجه صفوتی

بولش ایسه اولا واعظ و یاخود آمرایسه ( اتأمرون الناس بالبر  
وتنسون انفسکم ) ایت کریمه سنک موردی اولان بنی اسرائیل کی  
بروا حسانه امرایدوب کندی نفسی اونوتمز وهان .

﴿ بیت ﴾

و غیر تقی یا امرالناس بالتقی  
طیب یداوی علی الناس وهو مریض

مثال حبیب سته خضالی و جناب حقک خطاباً لداود و تعریضاً  
للواعظین الغیر المتعظین ( یاداود عظ نفسک فان التعظت فعظ  
الناس والافاستحي من ربک ) امر الهیه سنی کوزاوکنه آلوب بوندر  
موجبجه کرسی موعظته و یاخود صندالی مأموریتیه چقمه دن  
مقدم ناسه امر و یاخود وعظ ایده جکم شیلردن علک منهیه نک  
ذاتنده موجود اولوب اولمديغنی دوشنمک لزومنی بیله جکی کی  
ارباب استماع واستطاعت دخی واعظک مقارن حقیقت اولان  
اقوالنی درک و ازعان ایله انکله عالم اولمق و آمرک موافق شریعت  
امرینه اطاعت فرائض ذمت عدادندن معدود اولدیغنی بیلوب  
مطیع بولنمق مقتضی ایدوکنی ادراک ایلر وای دل کامل طالبی  
اولان کمسنه قلب پاره سنی قو و کامل اولان دلی ایسته که اول دل  
بین الروح والجسد واقع بر جوهر نورانیدر و عقل دخی آنی  
مرکز انوار اتخاذ ایدرک اوراده شمس کی ثبات ایله انوار



کامله سنی محوره تماماً مقابل کلان باشک طاسنه اوروب اورادن  
حواس باطنیهی احاطه وتنویز ایدرک انسانی مدیر ومدرك  
وعاقل وفطین وزکی وفارس وعامل وعالم قیلار وسنده فیض  
ساری سبحانیه به مظهریتله فسق وفجور دن محنت اولورسک  
دیرز ایوجه بیلکزه قرآن عظیم الشانک مندرجاتنه اینانوب  
ومقتضیاتله عامل اولنر والله عظیم الشانه ایمان حقیقه ایمان ایدنلر  
البته مرتبه ولایت مظهریتله سخیف الفکر ومتوفی اولنر واما  
ایمان ایتیموب عمروک لاقر دیسنی اعتقاده لایق وعمله صالح بالله یدرک  
قرآن عظیم وکریم العنوانک خلافتنه بولنلر بوزمرده داخل  
اولیوب لابد حیاته ایکن متوفی اولمش اولورلر اما ( کل نفس  
ذائقة الموت ) نص جلیلی سند اعتبار ایدرک سن نه سویله یورسک  
بوراده فرقه مؤمنی حی وزمره خائنی موتا اعتبار ایلدک حالبوکه  
انفا بیان اولنان ایت حکمنجه هر نفس ذائقة موتدن حصه دارد  
دیرایسه ک بنده کز دخی اوت بوایت کریمه موجبنجه هر نفس  
ذائقة موتدن حصه دارد.

فقط ستفارق هذان بموجب حدیث سید الکونین ورسول  
الثقلین تعبیرله بیان ایدرمکه ( الانبیاء احياء فی قبورهم تصلون )  
و ( المؤمنون لا يموتون بل ينتقلون من دار الى دار ) وقال الله تعالى  
( ولا تقولوا لمن يقتل فی سبیل الله اموات بل احياء ولكن لا تشعرون )  
وقال فی الشهداء ( ولا تحسبن الذين قتلوا فی سبیل الله اموات بل احياء  
عند ربهم یرزقون فرحين ) مبشرات جلیله لری حکمنجه انبیاء

علیهم السلام حضراتی قبرلری ایچنده حیاته درلر واولیاء  
ومؤمنین دخی اولنلر.

بلکه بومقامدن دیگر مقامه انتقال ایدرلر واللهمک یولنده معناً  
وماده کزک شیطان وکزک اماره نفس وکزک برالای مؤمنین  
اوزرینه اطاله دست خسار ایله عالم اسلامیتی تخریب قیدینه دوشن  
کفار ومشرکین ایله مجاهده ایدرک مقتول اولنلر ایچون موتادر  
دینلمز بلکه بولنلر ارباب حیاتنددر وربلری عندنده مرزوقون  
وفرچیندرلر ولکن منکر ربوبیت ووحدانین ومغالطین حکم  
صحیح الوهیت اولنلر ( انهم میتون ) ایت کریمه سی حکمنجه  
تحقیقا میتلرددر.

اگر حیاته بولندقلری زمان اولسه بیله یعنی دنیاده انلری جان  
تنده وقوابدنده ایکن کورسه کز بیله صاغ ودری دکل حقیقت  
اولولرددر و بویان ایدیلان موت وحیات بو شونخانه ده دکل  
او عالم بقاده اوله جقدر و بلا تفریق ذائقة موت ماده بوراده  
طادله جقدر شمدی شومفصلاته نظر اموت صوری حیات الارواح  
مظهر اولان عرفا واهل ایقان ووجدانک روحارینک جسددن  
مفارقیدر و موت مغوی اهل شرک و فساد و نفاقک ابدی  
معذب اولوب و ( و یالیتها کانت القاضیه ) دیو موتی حیاته منت  
بیلوب تنی قلمسیدر و بناء علیه موت صوری راحت اولیاء  
وتحفه مؤمنین اولوب سجن دنیادن جنت اعلایه انتقال وارتحال  
ایتمی وموت مغوی اهل شرک و کفر وفساد و نفاقک عذاب  
ابدی ونقمت سرمدی به اتصال والتحاقیدر وبویله اولنجه بولنلر



میتون دنیای و موت همان آنلره اختصاص ایتدی اویله ایسه بوکا و برده بنی اسرائیله بیوریلوب امت محمد حقنده دخی حکمی منسوخ اولیان ( فاقتلوا انفسکم ذلک خیر لکم عند بارئکم ) امر باهر الهیه به اتباعاً نفس اماره و ارباب کفر و شرک و فساد و نفاق ایله مجاهده ایدوب و صلی الله علیه و سلم اقدمزک ( من عمل بما علم ورثه الله علم ما لم يعلم ) و ( من رغب فی الدنیا و طال امله فیها اعمی الله علی قدر ذلک و من ذهب فی الدنیا و قصر امله اعطاه الله علماً بغير تعلم و هدی بغير هدايت ) حدیث شریفاری و ابن فارض قدس الله سره نك — فجاهد تشاهد فیک منک و رآما سکوناً و صفت عن وجود سکنتی — بیتی موجب لنخبه اکر علممز یوق ایسه ده مراد و مطلوب مز لدنیات قرآنیه به و قوف تضمن ایتسونکه الله عظیم الشان بزى اولدنیاته وارث و عالم ایلسون و دنیایه میل و رغبت و اهل دنیانک فنون غیر صحیحینه تبعیت ایله میهمکه جناب عالم بزى بغير تعلم عالم و من غیر تهدی مهتدی قلسون و بوضورتله زمرة مرقومه ایله همیا ایلمیوب فرقه صالحین اولان مؤمنین ایله برابر ایلسون و حیات ابدی به مظهر قلسون دیه سویلرز.

افندم معلومدر آ انسانه بر مسلك بر مذهب لازم و بنده كزك اعتقادحه مسلك مسلك احمدی و مذهب دخی قرآن کریمك تعیین ایتدیکی مذهب محمدیدر و چونکه یوقاروده ذکرى سبق ایتدیکی اوزره بو مذهب و دین محمدی اویله بر مذهب و دیندزکه انک فوقده دین و مذهب اولمز.

اویله ایسه هیچ بر شیئه هوس ایتیموب انک مقتضیاتیلله عالم و عامل

اولسهق دها ايو دكلى وهاله بز مسلمانز دیدیکمز و قرآن کریمه مؤمنز دیه سویلدی کمز حالده انک تعینات و تنبیهای خلاقه متصدی اولمقدن و نفس امارمه اتباعدن ایرلسهق دها اعلا اولمز می. ایشته کور یورز یا بو دنیا فانی و اکا میل و هوس هر فرقه نزدنده ممدوح و مقبول صایلمز نیچون اکا میل ایدم و یاخود اهل دنیا اولنلره ندن طولای تابع اوله لم اما دنیایه میل ایدنلردن بعضیلرینی رفاهیت ایچنده کوره یور ایشز اما اوقسم بر طاقم ایتم و اراملی مضمحل قلهرق و یاخود غیر مشروع اموال و اچه تدارک ایلیهرك و یاخود پاره ایچون ناموسلرینی و دینلرینی فدا ایلیهرك میدان الیورلر ایشز انلره امر ناملی زیرا بر ظالم نقدر قوه جبره مالک اولور و بر شقی نقدر شقاوت ایدر ایسه عدالت الهیه کندوسنی او قدر برباد ایلر.

زیرا دنیایه کلوبده ظلم و شقاوتی اعتیاد ایدنلرک خانه سی خراب قالدیغنی کمنه انکار ایده مز و حتی ( دارالظالم خراب و لو بعد حین ) عبارده سی ایله مقید اولان حدیث شریف میدانده وهاله فرعونک احوالی بونلرک جمله سنه مثال اولورکه ایشته اتیا عرض ایده جکمه دیکله یکنز.

مشهور و معروف اولان فرعون کندی ثروت و سامانه مغرور اوله اوله دعواى باطله دوشدی و زعمنجه هیچ کمنه دن کندوسنی ایچون باک و پروا قلمدی.

بر کیجه موسى علی نبینا و علیه السلام حضرت تارینی رؤیاده کوردیکی کی اندیشه به مستغرق اولدی.



معبولری منجملری جمع ایدرک رؤیائی تعبیر ایتدیردی .  
رؤیانک تعبرندن حضرت مشارالیهک تشریف ایدوب فرعونک مالکیتی خراب اوله جنی اکلاشدی .

رصد بین ومنجمین بوکا پادشاهم برتدیر ایدملکه موسی عالم حیاته کلسون دیدیلر و بناء علیه فرعون نقدر ارکک وار ایه انلری زوجه لریله مجامعتدن منع ایچون و منادیلر آنک طرفندن وقوعبولان امره امثالاً ای جمله بنی اسرائیل کلکز شاه سزی تختی موضوع اولان محله دعوت ایده یور .

سزه یوزینی کوستروب ثواب ایله جزا ایلیه جکدر چونکه اعمال اطاعتکارانه کزه مقابل مظهر مشاهده جمالی اوله جقسکز دیه ندا ایتدی .

امان باقکز غرائب او فرعون او جاهل قومی اسیردن بر بظو تر ایش و حتی بالایجاب فرعون بر طرفه کیده جک اولسه و یولده بنی اسرائیل اکا راست کلسه لر اولجه اوکنده یورویان خادم لک شاه کلیور اعلائی متضمن اولان حرکتلری اوزرینه هر کس یوزینی دیواره طوته رق یولدن کچرلر ایش و عجایباتدن اوله رق مثلاً بریسی انی کورمش اولسه همان انی قتل و اغدام مصمم اولدینی جهتله بر چوق خلق بو یولده وقوعبولان افادات اوزرینه اتلاف اولمش .

ایشته ( کوکل حر یض اولور منع اولدینی شیئه ) مدلولجه بنی اسرائیل شاهی کورمکدن ممنوع ایکن برنجی مذلت اولق اوزره یوزینی خلقه کوسترمک وعدی ایله انلری دعوت ایش و هر کسده

بو صورتی لطف و احسان مساقفه قویه رق آقین آقین میدانده اوچوشمشلر فرعون دخی انلره یوزینی کولنج کوسترمش و بخشلر و یرمش و منجملرک قولی اوزره حمل کیجه سنی تعیین و حضرت موسانک دنیا به کله جکنی توضیح ایله زوجه لریله برلکده بولناملرینی امر ایش و بر چوق احسان دخی و یرمش فرعونه کیم مغایرت ایدر جمله سی بو امری حسن تلقی و قبول ایدرک زوجه لرندن ایرمشلر و حتی فرعونه جمله اولق اوزره اکر امر ایدر ایهک بر آی متادیا بو میدانده قالوزز دیشلر .

نهایت فرعون سراینه عودت ایش و اوکیجه بنی اسرائیل زوجه لرندن آری طوره جقلرندن طولای ممنون اولمش ایهده هیچ جهد باطل ایله توفیق رفیق اولورمی نه ایه بو امری مرقوم خزینه داری اولان عمران دخی و یرمش و مومی ایه عمران دخی فرعونه اطاعت قیدنده بولنه رق اوکیجه فرعونک ایواننده قالمش نصف اللیلده ایشته عمرانک زوجه سی زوجه کله کورشمک اوزره محل معلومه کلمش و همان عمرانک اوزرینه دوشمش و مداوله پوسه ایله محبه قیناق و یرمش و عندالفراغ عمران ندامت ایلمش اما فائده نه ماده جسد حضرت موسی صلوات الله علی نینا و علیه رحم مادره القا اولمش ارتق عمران بوسره کسه اکاه اولمامق اوزره زوجه سنه تنیهاست لازمه بی ایفا ایش دیرکن بنی اسرائیلک جمعی اولان میدانکن بر نعره استماع اولمش همان فرعون موسا علیه السلامک رحم مادری تشریف ایتدیکنی و اندن طولای عالمک غاغله انداز شادمانی اولدق لری ظن ایله پاپوشسز طیشارویه



او غرامش و تحقیق و تفحص داعیه سینه دوشمش و عمران دخی سزك بوكیجه وقوعبولان لطف و عطایا کزیدن حاصل اولان ذوق و شادی بنی اسرائیلی بویله سوندره یور اویناتیور دیهرک فرعونى صاومش و صباح اولنجه فرعون طرفندن مومى الیه عمران میدان طرفه کوندرلش و تحقیق غلغله امر بنی المش عمران نه سؤال ایلسون قضیه و اسباب غلغله معلوم برده کوررکه منجملر مرصدلر اثوابلر بنی یرتیورلر یوزلر بنی یره سوریورناله و فریاذلر یله اوراسنی ماتم میدانی یا پیشلر نه ایسه منجملر عمرانیه عذر بیان ایدرک ای امیر خدانک دست تقدیری بزى اسیر ایلدی .

بزم جمله من تقدیر الهینک زبون و مغلوبی یز بز نه یاپه لم دشمن شاهى دفعه قادر اوله مدق و بوصورتله دولتی صیانت قله مدق شاهک دشمنی وار اولدی و وجوده کلدی .

بز موسانک ستاره سنی سماده کوزدک انک ایچون ناله و فریاد ایدم یورز دیمشدر و عمران دخی قلباً شاد و خندان و آنلره قارشو ادا الفراق لفظیه کویان اولمش و بولفظی تکریر و ترش روی ایله تحیف و تلهف کوستردرک و آنلره عتاب ایدرک شاهمزی الداندیکز واکا خیانتکزی صداقت یولنده ارا نه ایلیه رک تختیه میدانه کتوردیکز و بونجه زماندر بنی اسرائیل یوزینی کوزما مش ایکن آنلره دخی یوزینی کوستردیکز دیهرک عودت و نتیجه افاداتی شاهه حکایت ایتمش و مزبور فرعون دخی منجمین مرقومه ارتق سزك خیانتکز تحقق ایتدی بن سزك جمله کزی صلب ایدم حکم .

زیرا کندیمنی رأى سقیمکز ایله مضحکیه آتدم و خلقه مسخره اولدم و بنی اسرائیله بوقدر مال و یردم و انلر دخی وقوعبولان امر و فرمانم وجهله حرکت ایدوب زوجه لردن دور و انلره ملاقاتدن محروم و مهجور اولدیلر .

اما عاقبت بورای سقیم اولدیغی نمایان اولدی خائبلر سزى بعدازین احسان و عطایادن محروم و جانلر یکنزى بدلر یکنزدن دور ایدم حکم دیمش و انلری بو تهدیدات قوتیه کندوسنه سجدهیه مجبور ایتمش و حتی منجملر مرقوم فرعونه امان شاهم هر نه اولدی ایسه اولدی بعدازین موسانک ولادتی ساعتی استخراج ایدم و روز میلادنه رصد باغلیه لم تا که الیمزدن قورتلیمسی قابل اولسون دیه وعد ثانی و یرمشلر .

و بر موجب وعد وفا قیدنده بولنوب ایام معدوددنی یکان یکان امرار و وقت ولادتی انتظار ایتمشلر ایسه ده ( و اذا اراد الله بقوم سوء فلا مر دله ) آیت کریمه سی حکمنجه و علیه الصلوة والسلام اقدمزك ( اللهم لا مانع لما اعطيت ولا معطي لما منعت ولا راد لما قضيت ولا مبدل لما حكمت ولا ينفع ذا الجد منك الجد ) حدیث سنیه سی موجبجه الله تبارك و تعالانک قضاسنی هیچ یرکسنه عقل و تدبیر ایله رد قله من و انک حکمی اصلاً متبدل اوله مزکه یچاره لرك تدبیری فائده بخش اولسون نه ایسه ینه انلرك رأى و تدبیرلری وجهله طقوز ایدن صکره مرقوم فرعون مذکور میدانه کیدوب و شهر ایچنده محکم منادیلر ای قادیلر یکی طوغان اوغلان چو جققلر یکنز ایله شاه سزى میدانه دعوت ایدم یور



قالک کیدک ديه ندا ایدوب اژککار خلعت و عطايا ايله متنع  
اولمش وقادینلر دخی یاور یجقلر یله میدانده بولنوب بوای ایچنده  
طوغان اوغلان اولادیگری کتوریکز که شاه اول مولودک باشنه  
التون تاج قویه حق و والده لرینی انواع نعم ايله وایه دار قله جقدر  
دیه امرالمش و بوضورتک مکر و حیه دن مرتب اولدیغندن  
غافل بولنه رق هر والده او آیده مولود اولان چکر پاره سنی  
شاهه کتورمشلر و سلطنتک محافظه سنی ایچون انلرک قتل و اعدامی  
جائز و روا کوریلرک معهود فرعونک امریله او یچاره جو جقلر  
خیمه شاهیده و انالرندن آریله رق طویلنش و میدان بر مذبحه  
شکلنی المش و حضرت موسانک والده سی مشارالیه حضرت لرینی  
الوب او میدانه کتمش و همان رجعتله خانه سنده قالمش و جاسوسلر  
تحریاته حیقوب آنک کتورلمدیکنی استخبار و حضرت موسانک  
دولت و سعادت اربابندن بر مولود پاک اولدیغنی فرعونه اخبار  
ایتمش و بناء علیه حضرت موسانک جلب و احضاری امر  
اولنش و مأمورلر امر شاهی انفاذ مقصدیله کیتمشلر ایسه ده  
بو میانده حضرت موسی نک والده سنه الهام الهی شرف تعلق  
ایتمکدن طولانی ام موسی حضرت مشار الهی یانمقده بولنان  
تنوره القا ایتش و مأمورلر خانه یی تحری ایدوب ذات موسایی  
بوله مامش و ایکنجی امر اوزرینه ینه رجعتله مکملأ تحری  
قیدینه دوشه جکلری وقت سورة قصصده مقید ( و او حینا الی  
ام موسی ان ارضیه فاذا خفت علیه فالقیه فی الیم و لا تخافی و لا تحزنی

انا رادده الیک و جاعلوه من المرسلین ) آیت کریمه سی موجب  
دخی بزام موسایه وحی ایلدک  
موسایی ارضاع ایتسون و نیله القا ایلسون و محزون اولسون بن  
خالق متعال و حافظ بیثکال حضرت لری انی سکا رد و ارجاع  
ایدیجی و ذات موسایی مرسلینه داخل قلیجز دیه بونک اوزرینه  
ام موسی حضرت موسایی ( اذا و حینا الی امک مایوحی ان اقد  
فیه فی التابوت ) شو آیت کریمه نک موجب امریروب و بربتابوت  
ایچرو سنه قویوب نیل مبارکه القا یلمش و اگر چه مأمورلر و موزیلر  
درون خانه یی دخول ایلله حضرت موسایی ارده مشلر ایسه ده بوله میوب  
فرعونه عودت ایتشلر و ( فلیلقه الیم بالساحل ) آیت کریمه سی  
مصدق قیجه دخی فرعون زوجیه سی آسیه ایلله نیل کنارنده کی  
بغجه لرنده و براغاج کولکه سنده اقامت ایدرایکن تابوت نیله ده  
ظهور و انلره نمایان اولوب و درحال تابوت صودن النوب  
حضور فرعونه کتورلمش و فرعون بونک دخی قتانی امر ایتش  
اما نه فائده اشته الله فرعونک ظلمنه و صکره ارادات الهیه سنی  
تغیر قیدینه دوشمش بولنانلره باقی نلریا پیور آسیه تابوتی اچوبده  
ایچنده صیح الوجه اولان و یوزینی کورن البته آنک اشفته  
و حیرانی اولمق درکار بولنان اول نور معظمی کورنجه اکامحبت  
ایدوب ( قره عین لی و لك لا تقتلوه عسی ان ینفعنا او نتخذہ ولدا )  
آیت کریمه سی مصداق قیجه بونم و سنک قرنی عیونم زدر دیهرک  
فرعونه قارشو کلوب اولدیرتماشن و نهایت الامر موسی علی نبینا  
و علیه السلام انلرک نزدنده و اولاد مقامنده بولنوب و تقدیر سود



نه کدی ایسه انلرک سودنی قبول ایلمیوب بالآخره والده سی  
مرضه اولوب انک حضانه حفظ و حمایتده بیویوب یتشوب  
رسول مکرم و محترم اولوب فرعوننی دخی تبلیغات کثیره ایله  
دعوت ایدوب قبول حقیقت ایتدیکنی الله عظیم الشانه عرض  
ایدوب و ساحره لره مقابله ایلیوب انلرک اکثرینی اسلام ایدوب  
امر الهی ایله فرعوننی تیهلمشکه فرعونک و قومک صویه مستغرق  
اولدیغنی و صکره واقع اولان ظن و اشتباه قوم اوزرینه میت  
اولدیغنی و اوزرنده کی البسه و اسلحه سنه خلل کلدیکی حالده  
جناب حقلک انی صوکنارینه چقاروب خلقه ارايه و بوندن صکره  
اولوجهه مستغرق دریای بلا اولان فرعون ایدوکنه خلقی مطمئن  
قلدیغنی کتب تفاسیر و قصص و تواریخ مفصلاً بیان ایدر و نظراً  
علی ذلك بزم بوراده بوققره ایله تسکیر سواد ایتمازه حاجت  
یوقدر.

فقط شوراسی لازمکه بحشمز ظالمک دوجار قهر و غضب اوله رق  
خراب اوله جفنگ مقرر بولندیغنه عائد ایدی.

حاصل کلام و نتیجه مرام شو اولورکه مزبور فرعون کبر و نخوت  
و عناد و غفلت و دنیا دولته اولان حرص و محبت کی احوال ایله  
کندی منافغنی خلقک مضر تنده ارا یوب و عالمی سطوت  
و سامانه و بقای شانسه قربان ایدرک ظلمی اعتیاد ایدمشیدی  
عاقبت بویله اولدی شمعی بزم ایچون لازم اولان صورت سالم  
بوققره دن تنه ایدرک ( و اذاتلی علیه ایاتنا قال اساطیر الاولین )  
دین کافرلر و ظالملر کی بو حکایات اولیندز بز فرعون دکلیزیا

زده ظلم هیچ یوقدر دیه بردن بره کسوب اتمالی انجق  
هر شخص نظر حقیقت بین ایله نفسه باقوب یاره من افعالمن  
وارایسه انی ترک ایتمویرز افندم عالم بشریت بویا اخلاق متخالف  
و بنم سوزم نفس اماره نک القا آت و افساداته انهماک ایدنلر ایچوندر  
انلر هر نقدر انسانلق دعواسنده بولنسه انسان صایلمز چونکه  
انلرک افعالی انسانلغه عائد دعوالرینی مبطل و هر نقدر سست  
اندام ایله مباحی اولسه لر جهالت اعتباریله عاقل و عالم اوللره غیر  
مقیسدر و بناء علیه انلر نصیحتیه محتاج بولنور.

و حتی بالکلیه نفسنه تابع اولان و غوایت قلان اشخاص و ظلمی  
اعتیاد ایدوب اضرار ناس و اضلال عباد قیدنده بولنه رق تلذذ  
ایدنلری فرعونیه تشبیهد خطا ایتمیز زیرانفس لعیندر و انک اماره سنه  
تابع اولنلر ملعون اولور و وادی جهل و نادانیده قالنلرک احواله  
تأسف اولنور و ایشته بو کیلره بو جمله سنک حالکدر دینلسه ناصحه  
عداوت ایدر و مقارنت ایتدیکنک شخص سنی ورطه هولناکه  
دوشورمک مقرر در دیه سویله نلسه حق مر اولدیغنی ایچون قبول  
ایتمک ایسته من و نفسه اندن بر لذت الدیرد من فقط انلر ایچون  
ناصر طرفندن ای شخص نفس اماره یه مماشات و سوء قرین ایله  
موالات قرب دکل بعدیت الهیه بی تضمن ایدر.

آه بیچاره سن سوء قرینک کورسه ایدک ( یالیت بینی و بینک بعد  
المشرقین فبئس القرین ) دیه اندن زیاده بعد و نفرتی تمنی ایلر ایدک



ولكن سكا سوكلو دشمن اولديني ايجون انك مضرت و عداوتن  
كوره مزسك اي نفسنك فسادندن غافل وسوء قرينك القاآت  
غرضكارانه سندن جاهل سنك نفبك فرعون كبي طانغی و باغيدر  
و فرعونك مالك اولديني ثروت و سامان و قوه نفوذ و شان سنده  
اوله ايدي سكا اولوقت فرعون ديمز فرعونتر دير ايدم .

يازق يازق بركرده محبت ايتديكك نفسه وسوء قرينه باق ديه بيلور  
اما انسانيت شانندن اولان و كالات ايله ممدوح بولنانلر نامنه ابن  
فارض حضرتلرينك

( وكل مليح حسنه من جمالها )

( معدله بل حسن كل مليحة )

( وصرح باطلاق الجمال ولا تقل )

( بتقيده ميلاً لرفرف زينة )

قطعه فرخ اداسنى اوقويوب اول فرعون طبيعت اوليان و خلقه  
ظلم و تعدى بي جائز و روا كورميوب دائماً ايولك ايستيان صلحا  
حقنده ( طوبى له و حسن مأب ) ايت كريمه سى ايله تبشيرات و يرر .  
ايمدى بو وجود بشرى احسن تقويم ايكن انى نفس اماره نك  
مرتبه سى اولان اسفل السافيله نيجون تزييل ايتلى البته ايتاملى

زيرا بايكنز يديمزده برقبای اطلس اولسه انى بردلق پشمينه و يادلق  
كهنه پشمينه تبديل ايدرميز البته ايتميز آ .

ايشته بوده اكا مشاهدر و ظلمك و يره جكي ريج معنا اول دلوق  
كهنه يه وعدلك و نصفتك و يره جكي نفع اول اطلس ديبايه بكزر كه  
بينهماده فرق كلى وار و انسان انسان اولمز .

الانفس اماره نك تحريكات و تسويلات شيطانيه سيله اراهه  
ايتديكي ريج مظلmeden كندوينى محافظه ايله اولور و امام السبتي  
حضرتلرينك

( زيادة المرء في دنياه نقصان )

( و ربحه غير محض الخير حرمان )

( يا خادم الجسم كم تسعى لخدمته )

( و تطلب الريح مما فيه خسران )

( اقبل على النفس واستكمل فضائلها )

( فانت بالنفس لا بالجسم انسان )

شعرى و بعض علما كرامك

( اطاعة النفس للرحمن عصيان )

( فالنفس في صورة الانسان شيطان )



( فرعون نفسك ان لم تلقى حين عصا )

( عصاك للزجر يسى وهو ثعبان )

قطعه معظمی شوافاداته بر برهان صادق الیاندرا اولیله اولنجه  
نفسه تبعیتله ظلمه هوس ایتیموب وکبرونخوت یولنه کتیموب انجق  
اولیله بر حالت ظه ورنده یعنی نفس سکا ای مرد ممتاز سن کندی  
شان و مزیت ظاهره که باقی و حضور کده بولنانلری لاشیء  
مثابه سنده کوزت و فرعون کبی کندیکی بر در دیدیرتمک ایچون  
باطل سوزلریکی قبول ایلیمیان ایله جنک و جدال وانک ضمنتده  
افراد مؤمنینه حقارت ایله دیدیکی اغفالات عدادندن حساب  
ایدوب و بالعکس کندوسنی ازوب حلم و عدل طریقه کیدوب  
( وما الحیات الطیبة الا فی اماتة النفس ) قوله قائل اولوب الله  
عظیم الشانک حضرت موسایه و برادرینه ( ازها الی فرعون انه  
طغی ) آیت کریمه سی مصداقنجه فرعون جانبیه کتمکه وانک  
طغیانندن بحثله انی دین حقه دعوت ایتیمکه امر و یردیکنی و مشار  
الیهک ( یا فرعون انی رسول من رب العالمین ) دیدیکی و فرعونک  
حال بویله ایکن ( ان کنت جئة بایت فأت بها ان کنت من الصادقین )  
دیمی اوزرینه ( فالتی عصاه فاذا هی ثعبان مین ) آیت کریمه سی  
مصدقنجه حضرت موسانک القا ایلدیکی عصاسی ناکاه برحیه  
عظیم اولوب و هر جانبیه حملاه قلوب حجر و مدر و شجر دین

مقابله سنه هر نه کلورسه هلاک و فنا ایتدیکنی و فرعونک مقصدینی  
ترویج داعیه سنده بولنان سحره و قوم فرعون بوهیتی اندن  
کور یجک و حبال و عصاء متخیله لرینی اول حیه عظیم یوتدیغنی  
مشاهده ایدیجک مر قوملر جمله ایله بر لشوب منهزم اولدیغنی نظر  
اعتبارده الوب امارهء نفسك ایجاباتندن اولان ظلمه هوس ایتاملی  
زیرا بر شخص ظالم نقدر ارقه لی و ارقداشلی و بر مظلوم نقدر بیکس  
و بیوایه اولسه ینه مظلوم غالب و ظالم مغلوب اولور و حضرت  
حق نبی مرسلی اولان موسی علی نبینا و علیه السلام حضرت نرینه  
وحی ایلوب یاموسی بوقرق کون مهاتی فرعونه استکرا هسز و یر  
تا کم هر نوع مکر و حیله بی اکماله اهتمام ایلیه بن خفته دکلمکه سنه  
و نوم بنی اخذ ایلیه بیوردینی کبی اول مظلومه الهامات خفیه ای  
مؤمن و متوحد قولم سنک حقه ظالم اولان شخص و یا اشخاص  
طرفندن نقدر ظلم ایدیله جنک اولسه صبر و تحمل قل و بنی منتقم  
حقیقی بل ایشته کوره یورسکه قرآن جلیل الشانده بن ذات عادل  
و منتقم مطلق کندی حق و شاننده ( لا تأخذ سنة ولا نوم )  
بیوردم و حیب اکرم و نبی محترم اولان محمد المصطفی دخی  
( ان الله لا ینام ولا ینبغی له ان ینام ) الی اخره بیوردی دیر  
و بناءً علیه مظلوم ظالمک حضورنده کویا هدف بیروح کبی تیر  
غدره کوکس آچار ایهده فرعون ذکر اولنان قرق کونک  
ختامنده برباد و پریشان اولدیغنی کبی ظالم دخی من قبل الرحمن  
تعیین اولنان ایام معدوددنک ختامنده کندوسنی بردن بره محو



وتباه اولمش كورر و بوندن طولای ظهور معاده ندامت فائده ویرمز وسورة الاسرا ده موجود اولان ( و نزل من القرآن ما هو شفاء ورحمة للمؤمنين ولا يزيد الظالمين الا خسارا ) اشبو ايات بينات مصداق ما صدقجه ظالم خسراندن بشقه نصيب المز اما مظلوم اولان مؤمن ایچون بشارت مكافات عليه الصلوة والسلام افندمز حضرت تارينك ( ان الله حنان من خلقه يغدوهم في رحمته ويحييهم في عافيته ويميتهم في عاقبة واذ توفاهم الى جنة اولئك الذين تمر عليهم الفتن كقطع الليل المظلم وهم عنها في عافية ) رواه الطبراني وابونعيم في الحلية ابن عمر حنان خصايصه حديث شريفى وجهله اول مظلوم اولان مؤمنلر شول مقبولان عزت و مستوران سرا برده حقيقتدرلر كه حضرت حق بونلرى رحمتيله بسار ومحض راحت وعافيت ايجره احيا ايلر وعين صفا وعافيت وامانده ايدر وچن روحلرينى الديرسه جنته موصل اولدينى حالده الديرر.

بونلر اول كمسه لدر كه بونلرك اوزرينه فتن ومحن ليل مظلم باره لرى كى مرور ايلر وبونلرى بورر واحاطه ايدر.

بونلر اول فتن ومحن دن عافيت و راحت ايجره ناملر در قيديله مقيد در كه مؤمن اولان مظلوم نفسنى الله تسليم ايتمش ووجود حالده كندوسنى موهوم اعتبار ايلمش اولدينى ایچون ظالمك ظلمندن قطعاً متأذى اولمز و ( سيجعل الله بعد عسر يسراً ان مع العسر يسراً ) ايت كريمه سى ايله ( و مامن ترحه الاوقد تبعت لها

فرحة ) و ( ان الفرح مع الترح ) حديث شريفلى موجبلى نخبه عسردن يسره وترحدن فرحه و حرجدن فرجه وصول مقرر اولدينى وعيادة ابن صامت حضرت تارينك روايتى صحى وجهله عليه الصلوة والسلام افندمز حضرت تارينك لسان درر بار حقيقت كفتارندن زيور انداز موقع ظهور اولان احاديثدن بريسى دخى اصحاب كرام ذوى الاحترامنه بن سزه عندالله شريف اوله جغكز شيلردن خبر ويرهيمى ذيه خطاب ايدوب انلر دخى كال ابتهاج ونعم لفظيله حواله سمع احتياج ايدنبجه ( تحلم على من جهل عليك وتعفوا عن من ظلمك وتعطى من حرمك وتصل من قطعك ) يعنى شريف اولوب علو درجهيه نائل اولمق ايسترايسهك سكا غضب ايدنه حلم ايدوب رفق ايله معامله ايله سكا ظلم ايدنى عفو ايله سندن الفت زيارتى قطع ايدنلرى سن زيارت ايله معنای شريفنى حاوى اولان حديث شريفنى بيلرك ( والذين صبروا ابتغاء وجه ربهم واقاموا الصلاة وانفقوا مما رزقناهم سرا وعلانية ويدرؤن بالحسنة السيئة اولئك لهم عقبى الدار ) يعنى شونلر كه ربارينك رضاسنى طلبله صبر ايتديلر وانلر ويرديكمز رزقندن كيزلو وآشكار انفاق ايتديلر وحسنه ايله سيئه يى رفع ايدرلر انلر ایچون عاقبت جزای عمللرينه حسنى و راحت واردر.

معنای لطيفنى شامل اولان آيات قرآنيه اینه رق ( والظالمين اعدلهم عذاباً اليما ) يعنى ظالملره ربكز المويريجى عذاب حاضرلدى



معناسیله مقید نص قرآنی مصداقنجه ظالمدر حقنده او عذاب الیمک ظهورنی انتظار ایدرک و ( لا یفلح الظالمون ) امر باهری موجبنجه ظهور معاملات الهیهیه منتظر اولهرق و ( ربنا و آتنا ما وعدتنا علی رسالک و لا تخزنا یوم القیامة انک لا تخلف المیعاد ) نصوص حقیقت منصوصی موجبنجه کویان اولوب ( فاستجاب لهم ربهم انی لا اضع عمل عامل منکم من ذکر اوائی ) مصداق ماصدقنجه رب متعال و واعد بلا نکال حضرتلرینک استجابتنه حصر انتظار ایدرک راحت جان و بهجت وجدانه قائل اولور.

اما بیچاره ظالم دخی الله عظیم الشانک ( ان کیدی متین ) ( و مکروا و مکرا لله و الله خیر الماکرین ) قول الهیسنندن غافل اولهرق و کندی کید و مکرنندن متلذذ اولهرق و مظلومک تحمل ایدوب بیوایه لک کوستردیکنده کی حکمتی اکلامیهرق عاقبت خسرانه داخل وایام مساعدهیه کندی بطش و هیتمک تأثیراتی ایله تجلی ایده یور معناسنی ویرر.

فقط ابن عباس حضرتلری بیوررکه مکر الهی اولدرکه قن برقول کفر ویا معصیتی زیاده ایلسه حضرت حق آنی در حال مؤاخذة ایتیموب انجق نعمت و راحتده زیاده ایلر واول شخص درجه درجه هلاکه قریب اولور و کار آخرتدن بی بهره قالوب اول نعمت و راحتده مغروریت و ظلم و معصیت و تزید کفر ایله مشغول اولور بیورمش پک صائب زیرافاده ( حتی اذا فرحو بما ارثوا اخذناهم بغتة فاذا هم مبلسون ) قیدینک فحوای محضیدرکه

یعنی ناکاه بونلری خدای متعال اخذ ایدوب هلاک قلور دیمکدر اولیه ایسه بزظالمه دیهلمکه ایسته اکلا دکی مظلوم صورت ظاهرده سندن متأذی اولدی.

اما باطن اعتباریه بیوک منزلت بولدی و سن ظاهره نفسه تبعیتله برقوت کوستردک اما باطناً خسار ایچنده سک و طوغریسی ای ظالم الله عظیم الشانک فاستقم امرینی مدار استطاعت اعتبار ایتما مشسک و غیرت سبحانییه بیلمامشسک مظلوم اولان مؤمن بونلری کوزل قبول ایتدی و سلامت عاقبتی بولدی سنک دنیا صولتی دیدیکک شیء نه دیمکدر و دنیا نه اولیور و نه درلو حیثیت التنددر.

جناب رسول اکرم و نبی محترم علیه اکمل التحیات و اتم الصلوة و السلام بو دنیا ایچون چوق شیر بیورمش اولدقلری کبی ( لو كانت الدنيا تزن عند الله جناح بعوضة ماسقی منها کافراً شربة ماء ) بیورمشلرکه بو دنیا الله تعالینک قنده جناح بعوضه قدر وزن و قیمتی بیله یوقدر دیمکدر.

بناءً علیه سن بو جناح بعوضه دن کتر اولان دنیادن نقدر شیء محبت ایلرایسه ک اصلدن اولقدر محروم قالورسک بو جرمان ایسه بر شخص ایچون قابل تمذیح و تجویز اولمز ای ظالم بو صور جالب نظر ایکن سن نیچون ظالم و تعدی بی اختیار و بر شخص مؤمنی احیایه اجتناسار ایده یورسک او بنای وجودی سن انشا ایتدک البته یقه مزسک انجق فائدسز یره کندیککی تعذیب و تخریب ایده یورسک مثلاً قیاس ایدلمکه انواع تعدیات و مظلمدن بریسی



اولق اوزره بر شخصك مدار انتعاشی اولان برشیدن کندوسنی  
 غرض ونفسانیت اعتبار یله محروم ایتمك ایستیوب بالفرض والتقدير  
 اول شخصی یرندن قالدیروب اندن محروم ایتمكه موفق اول  
 اول شخصك اسباب انتعاشنی تماماً قطع ایتمكه مقتدر اوله بیلورمسك  
 هایدی اوله بیلدك یعنی قپوكده خدمتكارك اولان بر آدمی یا خود  
 معیتكده بولنان اشخاصدن بریسنی قالدیرسك وبتون عالمه دخی  
 نفوذیكى تأثیر ایتدیرهرك یا خود مظلالمكدن برچوقلرینی قورقه رق  
 او خدمتكار ویا خود معیتكدن طرد و اخراج ایتدیكك شخص  
 علیه كین و عدوان طوته رق خدمتکاری اخر برذاته خدمت  
 ایتدرمامك و معیتكدن چیقاریلان شخصی اخر برایشده  
 بولندرمامق مقصدیله سوزیكى سنك کیلره قبول ایتدیروب دائره  
 انتعاشنی تضیق ایتسهك ویا بریتیمك حال صباوتندن استفاده ایله  
 صور غیر مشروعه ده اموالی ضبط ایلیهرك اویجاره دی اخرك  
 احسان و انعامنه محتاج ایلسهك بونلرك ویا خود ثروت و سامانك  
 یولنده اولدیغی یعنی عائله کی انفاق و اداره یه کافی اولدیغی حالده  
 مطلقاً تکیذ نقود فكر غیر ممدوحیله انلری اعاشه ایتیموب و بیک درلو  
 اذا و بلا ایله اشکر یز خون تأسف و تلهف ایتلمرینی اختیار ایلسهك  
 یا خود ید استملاکده بر عبد و عیده بولنوبده بونلری ایشته مالمدر  
 دیهرك وینه سطوت و سامانكه مستند و مغرور اوله رق تنبیها  
 شرعیه خلافتده استخدام قلسهك و هلم جرادها بوکابکر و تعدادی  
 غیر قابل افراد مظلومی اختیار ایلسهك جناب حق سنی مجازات

دنیویه و اخرویه دن وارسته می قیلر ظن ایدرسك هیجده اوله  
 ظن ایتمه چونكه بو افعال قطعاً ممنوع و منهیدر والله عظیم الشان  
 قرآن کریمده سورة النسا ده ( و آتوا الیتامی اموالهم ولا تبدلوا الحیث  
 بالطیب ولا تأکلوا اموالهم الی اموالکم انه کان حوباً کبیراً ) نصوص  
 جلیله سنده یتیمك اموالک اعطای اولنمنی و اصلاً و قطعاً اکل  
 و بلع ایدلما منی و خیث ایله طیبك تبدیل ایدلما منی و بومعامله  
 کبائر دن بولندیغی امر و فرمان بیوردیغی کی ( ان الذین یا کلون اموال  
 الیتامی ظلماً انما یا کلون فی بطونهم ناراً و سیصلون سعیراً ) نصوص  
 عدالت منصوصیله دخی اموال یتیمی مظلالم و تعدیات ایله بیانلرك  
 لابد نارجحیمی بیه جکلرینی و سعیرده قاله جکلرینی بیان ایله انلرك  
 مظهر عذاب اوله جکلرینی تعریف و اتیان بیورمشدر و دیگر  
 جهته دوننجه ینه سورة مذکورده نسیایه صدقاتنك نخبه اموال  
 مطیبه دن و یریلوب انلرك ارزاق و انفاق و اکسا اولنمنی و انلره  
 قول معروف و صورلین ایله سویلنمنی ( و اتوا النساء صدقاتهن  
 نحلة فان طبن لکم عن شیء منه نفساً فکلوه هنئلاً مرئناً و لاتؤتوا  
 السفهاء اموالکم الی جعل الله لکم قیاماً و ارزقوهم فیها و اکسوهم  
 و قولوا لهم قولاً معروفاً ) آیات فائذ البرکات یله ووالدینه و ذی القربایه  
 و مساکین و ابن سیله و قومشویه و مملوکه احسان اولنمنی و بخل  
 ایتیموب بخل ایله کسه یه دخی امر اولنما منی والله عظیم الشانك  
 عطایا و احسان و عنایات سبحانیه سنی انکار ایتماکی و بوکی کافر  
 نعمت و منکر الطاف و عنایت اولنلرك عذاب مهین ایله معذب



ومعتد اوله جقلر نی ( وبالوالدین احساناً وبذی القربی والیتامی  
والمساکین والجار ذی القربی والجار الجنب والصاحب بالجنب  
وابن السبیل وماملکت ایمانکم ان الله لایحب من کان مختالاً فخوراً  
الذین یخلون ویأمرون الناس بالبخل ویکتُمون ما آتیهم الله من فضله  
واعتدنا للکافرین عذاباً مهیناً ) آیات کریمه سی ایله امر وفرمان  
بیورمش اولغین بو حکم و ارادات الهیه موجبنجه عامل اولمق وبونک  
خلافه تصدی ایله ظلمی اعتیاد ایدوب ظالم بولنمق اصحاب ایمان  
وارباب ایقان ایچون موجب حرمان ومستوجب عذاب نیران و باعث  
ایحای ایماندر اوله ایسه ظالم کل سن بو افعال کریهه دن صرف نظر  
ایله وبعدهما تعذیاته انهماک ایتیموب اللهم امرینه امتساک ایده جککی  
سویله ده اوامر الهیه نک دها سائر لر نی بیان ایدوب نصایح نفسیه  
ایله کهر فشان وقادمه جنبان ایضاح و بیان اوله یم هیچ شبهه ایتمامکه  
اشبو افادتم حقیقته وصحته اقتران اعتبار یله دماغه لذاذ نصفتی  
وظلمدن ابا واجتناب حلویاتی ظلمدن طانیدیغک طیشی شکراب  
وایچی زهراب ذائقه دن دها زیاده لذت القسا ایتدی اوله دکلی  
شبهه سز چونکه برشیء که الله امر ایتمش اولسه اکا امتساک باعث  
سعادتدر و برشیء که الله نهی ایلمش اولسه اکا انهماک باعث  
وبادی رذالتدر بوراسنی فرق ایتدرمین دخی جاهلک دنیلان  
کورکی سزلکدر و بر حقیقته علم حاصل اولور ایسه جهل ذائل  
واندن دماغ عبودیت دخی لذاذ فائقه حاصل ایدر وجهالت ایله  
علم بیننده و جاهل ایله عالمک افعال و حرکاتی ارمسندده هر شیئده

بیوک بیوک فرقلر اولدینی کبی بوصورتده دخی فرق واردر  
وچونکه باقکزر برعالمه اما عامله جنب حق ثروت وسامان وقوة  
نفوذ وعز و شان اعطا واحسان بیورسه ویاخود نقصان ویرسه  
بونک ایکسنی دخی مرتبه تساویده طوتر و اسباب حکمیه  
وحقیقیه سنی بر درجه یه قدر بیلور و جاهل اکرام وانعام وقتده  
رهم بکا اکرام ایتدی و امتحان وقتده رهم بکا اهانت ایلدی دیه  
سویلر وعالم عامل وقت وسعت ونعمتده ایتامه اکرام ورعایت  
وفقرا ومساکینی طعامه دعوت ایدر و وقت نفجته قصورک  
کندوسندن صدورنی تصدیق ایله اونفجت هیچ توجه ایتمامش  
کبی کوکلنده اغرار وانیکسار بولنمیه رق طوعا صبر وتحمل ایلر  
لکن یچاره جاهل وقت نعمتده امان فرصت بنمدر وزنکینک  
اعتبار یله قدرتم هر شیئی احاطه ایدر و دیلیدی کمی یاهرم دیه  
آله بیلدیکنه کیدوب و ایجابات نفسانیه سنه تمامیه انهماک ایدوب  
مغایر رضای الاهی حرکات ایله دوچار فقر مکب اولور و صکره  
دوشنور طوریر وارتنق خلق دخی یوزینه قارشو قوزم کوکل  
یقمق وخانمان خراب ایتک ایدوکل ایدی .

ایشته کوردکی باق بلاکی بولدک جکیورسک باری الیکه بردخی  
فرصت کچنجه بویله ایتمه دیدکلر نی ایشیدر واما ینه متنبه اولیوب  
وقباحتی کندی اعمال و افعاله اسناد ایتیموب طرف حقندن اهانت  
وقوعنی بیان ایدر .

حالبوکه ایسه قضیه برعکس اولوب بویله دکل و جنب خالق متعال



حضرتلری قرآن کریمنده بیوردینی ( فاما الانسان اذا ما ابتلاه  
ربه فاكرمه ونعمه فيقول ربني اكر من واما اذا ما ابتلاه فقد  
عليه رزقه فيقول ربني اهانن كلابل لاتكرمون اليتيمه ولا تحاضون  
علي طعام المسكين ) ايات باهر اليناتي حق جل و على حضرتلری  
چقان غافل اولان آدمی امتحان قلسه واکا صورتا انعام واکرام  
ایلسنه ربم اکرام ایلدی دیر اما چقان انی ذلیل و رزقی قلیل  
ایلمکله ابتلا قلسه ربم بکا اهانت ایلدی دیر بونفس الامرده بویله  
دکلدر .

امتحان الهیدر که نعمت مقابله سنده شا کر اوله و ایتامه  
اکرام و رعایت و فقرای اطعام ایلهیه معناسنی بالدالات ایجاب  
ایتدیرر .

ایسته انسان ربانی یعنی ربی و خالق بیلن یو حقیقتی اکلار وقوة  
میزه علمیه سیله لطف ایجره اولان قهری و قهر ایجره مضمیر اولان  
لطفی تمیز ایدر و حق شکلنده اولان باطلی و باطل طورنده ظهور  
قلان حق بیلور واکر بیلمز ایه و صورتا حقه کورینان باطلی  
تمیز قله مزسه حقایق کاهی علیه کوسترمکی حضرت حقندن رجا  
ایلر نته کم جناب حیب کبریا وره برصنوف اتقیا واولیا صلی الله  
عليه وسلم ( اللهم ارني الحق حقاً وارزقنا اتباعه وارنا الباطل  
باطلاً وارزقنا اجتنابه وارنا الاشياء کاهی ) دعاسیله اراه  
حقیقتی جناب حقندن استدعا بیوررلرایدی .

مؤمنین و متقین دخی مسلك رسول الله سالک اوله رق بویله

اولمق لازمکلور و حضرت مشارالیه قهر لطف ایجره و لطف  
قهر ایجره مستور و مخفی اولدیغنه ( حفت الجنة بالمکاره و حفت  
النيران بالشهوات ) حدیث شریفی دلالت و شهادت ایدر وسعت  
رحمت اکثر زحمته و شدت نفحت و فرت نعمتارده تسترقلدیغنه  
حضرت علی کرم الله وجهه حضرتلرینک بو کلام لطیفی دلیل  
اولورکه بیوررلر .

( سبحانه من التسعت رحمته لاولیائه فی شدت نفحته و اشدت  
نفحة لاعدائه فی سعته رحمته ) در و بوقدر تفصیلاتدن هرکم  
اولسه اکلارکه دنیا ده ظلم و تعدی و بخل و بخل ایلله امر مذموم  
و مقذوح و نفحت استلزام ایدن احوال معناً و ماده انکار  
عنایاتدر ارتق امید ایدرمکه بوضوح باعث رشد و سداد اولور  
و دیگر صور منیاتدن اجتناب دخی اولنمق لازم ایدوکی  
بیان اولنمغه ابتدار قلنور ایه شوراسی عرض ایدیلورکه  
محرمات و کبائر ایچنده اک بتر و اشد اولان افعال محرمه زنا  
و لواطه فعللریدر بونک ارباب نفس یالکز بر قاج دقیقنه دن  
عبارت اولان لذته انهماک ایدرک و اندن دیناً و دنیا و عقباء  
حاصل اوله حق قنالی دوشنمیه رک کندی خشنودلقزیه صدورینی  
طلب ایده یورلر ایهده و قتیله کتاب و رسول یوق و زمان  
جاهلیت موجود ایکن عاقل و عارف اولان مخلوقات الهیه دن  
برسی بوزنانک ايو برشی اولمیدیغنی و وجودی قابل انکار  
اولیان الله عظیم الشانک بو فعلدن خشنود و راضی اولیه جغنی



بو فعل کندی زوجه سنه واقع اولور ایسه کندوسنجه بو فعله  
نظر ممنونیتله باقیه جغدن استدراک ایدرک هیچ بر بشقه شیئه  
مائل اولیه رق قطعیا بیلمش و حرمتیه قائل اولمشکه شو قیاس  
و استخراج عقلی اوقویوب یازمسنی بیلیمان ارباب نفس وهوا  
ایچون قابل امتساک اولور.

و هاله بو بایده صادر اولوب اشبو کتابیزک ایکنجی جلدنده  
ارائه وافهام اولنه حق آیات قرآنیه بو بایده یعنی اویله افعال  
کریهه اصحابنه نه درلو ونقدر اغر مجازات اولنه جغنی کوستر  
باقیکز زنانک ویره جکی مضرتیه ای نفس اماره صاحبیری  
ودوشونکز میدان کتوره جککز فعلک کراحتی ای شهوات  
صاحبیری نقدر اغر وثقیدر سز تسکین نفس ایچون برارکک  
اولدیغکز حالده برقادینه تعلق ایده جکسکز ویاخود برقادین  
اولدیغکز حالده برارککه مفتونه اوله جقسکز ایکیکز بیتنده  
میدان شیطانیه یه قونلان فعلدن خلق خبردار اولسون دیه  
دوشونه دوشونه وقورقه قورقه البته عناصر بدنیه کزده برقنالق  
حاصل ایده جککز کبی هاله بر ولد زنایه دخی مالک اولور  
ایسه کز خلق بو فعل قیچک محصولی میدانده کورمسون  
ایچون اول ولد مذمومی یا رحمدیه ایکن ویاخود تولد ایتدکدن  
صکره اتلافه مجبور اوله جقسکز اتلاف ایدر ایسه کز بر جنین  
ویا معصومک قاتلی اولورسکز ایتمز ایسه کز اول ولد مکروهک